


90

901
\$ - 95



359

301
Ֆ-95

Ե. ՓՐԱՆԳԵՐՆ

5 OCT 2011


2307

11
Ֆ. 83.

ՊԱՏՄԱՓԻԼԻՍՕՓԱՅՈՒԹԻՒՆ

16517
1909

ԳԻՏԱԿԱՆ—ՓԻԼՍՕՓԱՅԱԿԱՆ ԷՏԻԿԴ



Ե Ր Ե Ի Ա Ն


Տպարան «ԼՈՅՍ», Արշակ Յակովբյանցի և որդիք:

1909 թ.

1081

ԲՈՎԱՆԴԱԿՈՒԹԻՒՆ

- I. Պատմափիլիսոփայութիւն.— պատմութեան նիւթը.— պատմութեան ըմբռնումը.— օրինականութիւն և պատահականութիւն.— պատճառականութիւն.— աշխարհայեցողութեան նշանակութիւնը: 5
- II. Պատմափիլիսոփայութիւնը և նրա նիւթը.— նա հնումն.— Կոնս.— սօցիոլոգիա և պատմափիլիսոփայութիւն.— պատմափիլիսոփայութիւնը ինքնուրոյն գիտցիպլին.— ռուսչին պատմափիլիսոփայական սիրտեմը: 11
- III. Կրօնական—աստաւծարանական պատմափիլիսոփայութիւնը.— միջին դարի նկարագիրը.— Աւգուստին իբր հիմնադիր.— Բօսիւէ և ուրլ շնորը: 16
- IV. Իդէալիստական փիլիսոփայութիւնը.— Հերդէր, Կօնտ, Շելլինգ և Յիւտե.— Հերդէր իդէալիստական փիլիսոփայութիւնը.— նրա պատմահայեցողութիւնը: 21
- V. Պօզիտիւիստական տեսակէտը.— մի միջին ձև իդէալիստական և մասերիալիստական պատմափիլիսոփայութեան.— Կօնգօրսէն իբր սկսող.— Կօնտ և նրա պօզիտիւզմը.— Սպէնսէր, Շէֆֆլէ, Վարմս, Լամպրիտ և Դարվին.— բնագատութիւն: 27
- VI. Մատերիալիստական պատմահայեցողութիւնը.— Մարքս, Էնգէլս— կոմունն, մանիֆեստը.— անտեսութիւնը իբր հիմնական գործօն— սօցիալական ստատիկ.— արդիւնաբերական ձևերը.— սօցիալական գիւնամիկ: 34
- VII. Քրիստոնէութիւն.— XIX դարի կէսերը.— Մարքսը իր դարի ծնունդ.— երկու կարևոր մօմէնտներ.— մասնագէտի հոգեբանական կողմը.— Մարքսը մասնագէտ.— միակողմանիութիւնը.— նահանջի շեփոքը — Էնգէլս, Կաուցիլի և Բերնշտայն: 39
- VIII. Տելէօլոգիա և մեխանիզմ.— մեխանիզմի էութիւնը.— բնագիտական— մեխանիքական պատճառականութիւնը.— բնութիւն և հասարակութիւն.— մարդու հոգեկան օրէնքները.— տելէօլոգիական տարրը.— իդէալ.— սօցիալ— պատմական պատճառականութիւն: 45
- IX. Մաստ և անհատ.— սրանց փոխյարաբերութիւնը.— կոլլեկտիւ և անհատական կամեցողութիւն.— սրանց յարաբերութիւնը.— սրանք լրացնում են իրար: 53
- X. Մինչայժմեան անալիզի արդիւնքը.— ֆակտօրների ըմբռնումը.— մասնագէտին յատուկ միակողմանիութիւնը.— բնալիստական պատմափիլիսոփայութիւնը.— նրա էութիւնը.— փոխազդեցութեան սկզբունքը: 59
- XI. Տարբերի կլասսիֆիկացիան.— էկօնօմիկա և իդէօլոգիա. հոգեկանի և ֆիզիքականի հասկացողութիւնը.— պսիխօֆիզիոլոգիա.— անտեսալիէօլոգիական պարալիլիզմ.— կաուպլ թէ՞ ֆունկցիօնէլ յարաբերութիւն.— պատճառականութեան սկզբունքի անբաւարարութիւնը: 64



I.

Պատմափիլիսոփայութիւն.— պատմութեան նիւթը.— պատմութեան
ըմբռնումը.— օրինակներութիւն և պատահականութիւն.— պատճառականու-
թիւն.— աշխարհայեցողութեան նշանակութիւնը:

Պատմափիլիսոփայութիւնը կամաց—կամաց դառնում է մէկը
գիտական դիսցիպլիններէց: Առաջ շփոթում էին պատմափիլի-
սոփայութիւնը և տիեզերական պատմութեան փիլիսոփայական
գիտողութիւնն իրար հետ, առանց նկատելու, որ այդ երկու
հասկացողութիւնները միանգամայն տարբեր, ոչ իրար ծածկող
բաներ են: Պատմափիլիսոփայութիւնն ամենից առաջ փիլիսո-
փայութիւն է, մի յարաբերական ինքնուրոյն գիտական դիսցիպ-
լին: Պատմափիլիսոփայութիւնը մի ինքնուրոյն ճիւղն է փիլի-
սոփայութեան, ճիշտ այնպիսին, որպիսին են իրաւունքի փիլի-
լիսոփայութիւնը, կրօնի փիլիսոփայութիւնը, մօրալ փիլիսոփա-
յութիւնը, ևլն: Եւ նա ունի իր ուրոյն, առանձին առարկան, իր
նիւթը: Այս դիսցիպլինի նիւթն է կազմում բովանդակ համաշ-
խարհային պատմութիւնն իր ամբողջութեան մէջ, նա
մշակում է ընդհանուր, ընդգրկող տեսակէտ այդ համաշխարհա-
յին պատմութեան մասին, նրա ծագումը, ընթացքը և վախճանն
ըմբռնելու: Նա, մի խօսքով, պատմութեան փիլիսոփայու-
թիւնն է:

Ասացի, որ պատմափիլիսոփայութեան նիւթն է կազմում տիեզերական պատմութիւնը իր ամբողջութեան մէջ: Սրանից, հետևապէս, պարզ է, որ պատմութեան, պատմական հիւսուածքի շահերից պէտք է որոշել ինքն պատմափիլիսոփայութիւնը: Պատմութիւնն է լցնում պատմափիլիսոփայութեան բովանդակութիւնը:

Բայց ինչ է ինքն պատմութիւնը, ինչն է կազմում իրեն պատմութեան նիւթը, ինչպէս այն ըմբռնել:

Այն հարցը, թէ ինչպէս պիտի ըմբռնել պատմութիւնը, սօցիոլօգիօրէն թէ՞ բիօլօգիօրէն, կամ թէ որպէս հոգեբանական մի պրօցես, մենք համարում ենք Լիդների հետ միանգամայն անպտուղ և, եթէ կուզէք, անհիմն: Ասում եմ անհիմն և անպտուղ, քանի որ այդ երեք կողմերն էլ անպայմանօրէն նկատողութեան են առնում պատմութեան ընթացքը և զարգացումը լուսաբանելիս, եթէ, իհարկէ, մենք չենք ուզում պատմութիւնը նեղ, միակողմանի կերպով դիտել և ըմբռնել:

Բայց ինչն է պատմութեան նիւթը: Այս հարցի լուծումը կըտայ միաժամանակ նաև վերև դրած խնդրի լուծումը: Ինչպէս ամեն մի գիտութիւն, այնպէս էլ պատմութիւնն ունի իր ուրոյն, առանձին օրիէկտը, իր նիւթը:

Պատմութեան օրիէկտն է մարդը. աւելի որոշ, կուլտուրական մարդը. որչափով նա անասնական է, չի կարող պատմութեան նիւթ դառնալ: Ինչ չափով նա գործում, զգում, կամենում, գիտացում է, այդ չափով նա կարող է պատմութեան նիւթ դառնալ: Բայց մարդը, իբր անհատ, կողիացած արտաքին աշխարհից, ամփոփւած ինքն իր մէջ, նոյնպէս չի կարող պատմութեան օրիէկտ դիտել: Պատմութիւնը չի ձանաչում առհասարակ Ռօբինզօն, նա պատմութեան մէջ տեղ չունի. նա պատմական անձնաւորութիւն չէ: Մարդկային անհատը, ինդիվիդը դառնում է մարդ իր նմանների հետ սերտ յարաբերութեան մէջ մտնելով. կարճ, նա մարդ է հասարակութեան մէջ: Եւ հասարակութեան այդ բաղկացուցիչ մասերի, անդամների միջև տեղի է ունենում բազմապիսի և անընդհատ շարունակւող փոխարարութիւն: Այդ մարդկային փոխարարութիւնը կրում է կրկնակի բնոյթ: Մի կողմից այդ փոխարարութիւնը տեղի է ունենում, ինչպէս նկատեցինք, մարդկային անհատների, լամբակցութիւնների և միւս կողմից՝ սրանց և բնութեան, միջավայրի միջև: Ահա այդ կրկնակի պայմաններից

ծագում է պատմութիւնը, մի կողմից բնութեան, շրջապատի մէջ արդէն գոյութիւն ունեցող պայմաններ, միւս կողմից մարդկանց կողմից ստեղծւած պայմաններ: Եւ սրանք իրար յաւէտ, անընդհատ փոխազդում են. սրանք գտնուում են փոխազդեցութեան մէջ: Այդ փոխազդեցութեան մէջ մասն ունին և մարդկային հատուածների շփումները իրար մէջ, և բնութեան հետ: Եւ այդ բազմապիսի տարրերն իրար վրայ ազդելով, յաւէտ շարժում են, յաւէտ շարունակում և կերպարանափոխում: Ելեկէջների հիւսուածք է պատմութիւնը: Էրեկից ծագում է այսօրը, այսօրից՝ վաղը, և այսպէս անընդհատ: Պատմութիւնն ինքը կեանքն է և էվօլիցիան, շարժումը և փոփոխումը:

Մարդը և շրջապատը, որոնք կազմում են սկզբնապատճառը պատմական պրօցեսի, քարացած մեծութիւններ չեն: Նրանք ենթակայ են յաւիտենական տրանսֆորմացիայի, կերպարանափոխումի օրէնքին: Եւ այսպէս կերպարանափոխում, հոսում են: Պատմութեան մէջ չըկայ, և չի կարող լինել բացարձակ հանգիստ: Հանգիստ և պատմական ընթացք, դրանք հակադիր հասկացողութիւններ են: Պատմութիւնը իր էութեամբ մի մեծ հոսանք է, պատմական հոսանք, որն անընդհատ հոսում է, ենթակայ էվօլիցիայի յաւիտենական սկզբունքին: Եւ պատմական այդ հոսանքը իր ամբողջութեան մէջ միշտ նոյնն է, ճիշտ այնպէս, ինչպէս հսկայական գետն է: Նրանք հոսում են, մենք տեսնում ենք նրանց հոսումը: Այդ միշտ էլ նոյնն է: Մենք տեսնում ենք այդ ընդգրկող և ընդհանուր հոսումի մէջ միայն ալիքներն որոշ, և դրանք են, որ տարբեր են և մեզ են հասնում: Բայց պատմական այդ յաւիտենական էվօլիցիան, պատմական այդ հոսումն ներկայացնում է իրենից մի ամբողջութիւն, մի օրգանապէս կապւած անհատնում շարան գուտ «անհատական» բնոյթ կրող պատմական եղելութիւնների, մօմենտների և երևոյթների: «Անհատական» այն տեսակէտից, որ այդ պատմական եղելութիւնները, փաստերը և երևոյթները «միանգամ» են տեղի ունեցել, և երբէք նոյնութեամբ — իր խոշոր մանրամասներով և պարագաներով — չի կրկնում որևէ պատմական դէպք: Պատմութիւնը իրականապէս այդպիսի մասնակի և անհատական, «միանգամ» կատարւած եղելութիւնների և դէպքերի օրգանական միաւորումն է: Եւ այդ բոլոր միայն «միանգամ» տեղի ունեցած դէպքերը կազմում են տիեզերական պատմութիւնը, որն անընդհատ հոսում է:

Բայց այստեղ բարձրանում է մի դժւարին հարց, այն մեծ պրօբլէմը, թէ հնարաւոր է մատնանշել մի օրինականութիւն, որոշ օրէնքի համապատասխան ընթացք պատմական զարգացման մէջ: Դա մէկն է առհասարակ այն ամենախոշոր պրօբլէմներից, որը իր կնճոտութեամբ բարձրանում է այն բոլոր պատմագէտների և մտածողների առաջ, որոնք ուշադրում են ոչ այն, ինչ մասնակի է, այլ այն, ինչ ընդհանուր է. նրանց առաջ, որոնք իրենց հայտացքն ուղղում են ընդհանուրի, ընդգրկող ամբողջութեան վրայ:

Ո՞ւնի պատմութիւնն իր օրէնքը, իր տրամաբանութիւնը: Հարցը կարելի է այսպէս ևս ձևակերպել:

Մենք գիտենք, որ ընութիւնն ունի իր երկաթիայ օրէնքը, պատճառականութեան և անհրաժեշտութեան օրէնքը: Այստեղ իշխում է մեխանիքական պատճառականութիւնը: Այս սահմանում ամեն ինչ կատարւում է բնական անհրաժեշտութեամբ, անպայմանօրէն և ստիպողական ձևով: Բընութեան օրէնքը կրկնւում է միշտ էլ նոյնութեամբ: Նման պատճառը միևնոյն յարաբերութիւնների մէջ առաջ է բերում նման հետեանք: Ահա բնութեան մեխանիքական պատճառականութեան ձևակերպումը: Այս բնական օրէնքը տիրապետող է քիմիայի, բիօլօգիայի, Ֆիզիկայի, բնագիտութեան մէջ: Այստեղ զեկավար սկզբունքն է ստիպողութիւնը, այն, ինչ անպայմանօրէն պիտի լինի:

Հնարաւոր է արդեօք «օրէնքը» նոյն այս հասկացողութեամբ կիրառել և՛ պատմական ընթացքի վրայ: Անտարակոյս—ոչ: Բնութեան մէջ մենք գործ ունենք մեխանիքական ոյժերի և պրօցեսների հետ, իսկ պատմութեան մէջ, ընդհակառակն, գործ ունենք կենդանի մարդկանց բազմապիսի կամաարտայայտութիւնների, զգացումների, յոյզերի հետ:

Ճիշտ է, պատմութիւնն էլ ունի իր պատճառականութիւնը և անհրաժեշտութիւնը, բայց մի փոքր տարբեր ըմբռնողութեամբ, ոչ թէ բնագիտական-մեխանիքական, այլ սոցիալ-պատմական ըմբռնողութեամբ: Այստեղ տիրում է սոցիալ-պատմական պատճառականութիւնը: Պատմական զէպքերը երբէք չեն կրկնւում նոյնութեամբ, իր բոլոր մանրամասնութիւններով: Պատմութիւնը, ասացի, «միանգամ» տեղի ունեցած զէպքերի գիտութիւնն է: Ուրեմն այստեղ երբէք չի կարող կիրառւել բնութեան օրէնքը: Եթէ այդ, յիշուելի, այդպէս լինէր,

մարդկային անծայր դժբախտութեան խոշորագոյն բաժինը կըրճատւած կը լինէր: Բայց, դժբախտաբար, այդպէս չէ: Եւ դա շատ հասկանալի է. պատմութեան մէջ գործում են պէսպիսի նկարագրի, մտածողութեան, տարբեր իդէալներ ունեցող մարդիկ: Եւ նրանք, յայտնի մասն ունեն պատմութեան ընթացքի որոշման մէջ, դրանցից իւրաքանչիւրը գնում է իր դրոշմը: Բայց, այնուամենայնիւ, կայ նաև պատմական անհրաժեշտութիւն, պատմութեան տրամաբանութիւն: Ճիշտ է, պատմական երևոյթները չեն կրկնւում նոյն ճշտութեամբ և մանրամասնութիւններով, բայց ընդհանուր գծերով նման պարագաները, պայմանները և յարաբերութիւնները առաջ են բերում նման, ի հարկէ, ընդհանուր գծերով նման, պատմական երևոյթներ: Բայց ասել հաստատապէս, թէ պատմական այս ինչ երևոյթին հետեւելու է անպայմանօրէն այս ինչ երևոյթը, դա ուղղակի անկարելի է: Պատմութիւնը նման պնդումներ, անվերապահ կռահումներ չի ընդունում: Երբեմն պատմական, սօցիալ-քաղաքական զէպքերն այնպէս են դասաւորւում, որոնց մասին ուղղակի անհնարին էր որեւէ ճշլրիտ գտգտար ունենալ: Նման ակնկալներ և չիսթափումներ շատ են տեղի ունեցել կեանքում: Ճիշտ է, յաճախ այդպիսի սխալ կռահումներն արդիւնք են լինում պատմական ընթացքի մասին ունեցած խորունկ, զիտական և բազմակողմանի ճանաչողութեան բացակայութեան, ինչպէս և տիեզերապատմութեան¹⁾ նեղ, միակողմանի ըմբռնողութեան, բայց, այնուամենայնիւ, անկարելի է ճշտութեամբ նախագծել պատմութեան ընթացքը իր բոլոր մանրամասնութիւնների մէջ: Անակնկալներ, յստիսապէս հաշի չառած անսպասելիներ միշտ էլ կարող են երևան զալ պատմութեան մէջ: Պատահականութեան սկզբունքը անկարելի է պատմութեան մէջ անգիտենալ. նա ունեցել է իր դերը և նշանակութիւնը պատմութեան մէջ, ունի և այժմ, ունենալու է և ապագայում, և խիստ դժւար է ասել, որ նա երբեքից վերանալու է: Երբեմն մի բոլորովին պատահական զէպք անգամ ձևատարական նշանակութիւն է ունենում պատմութեան այս կամ այն ձևով դասաւորելու գործում: Եւ այսպիսի զէպքեր շատ կան արձանագրւած տիեզերապատմութեան էջերում: Մի գօրավարի յանկարծակի մահը տեսնում էք հիմնօրէն յեղաշրջում է

1) Տիեզերապատմութիւն ևս գործ և՛ ամում համաշխարհային (ընդհանուր) պատմութեան տեղ—Weltgeschichte:

հակառակորդ ոյժերի յարարերութիւնը, վերջնական յաղթանակի հարցը: Այսպէս ահա մեծ է պատահականութեան դերը պատմութեան մէջ: Այս տեսակէտից շատ հետաքրքրական է, միաժամանակ խիստ բնորոշիչ, թէև ծայրահեղ, Պասկալի յայտնի հեզնական խօսքը— «եթէ Կլէօպատրան մի ուրիշ քիթ ունենար, այն ժամանակ տիեզերապատմութիւնը բոլորովին այլ կը լինէր»:

Բայց որպէս զի հնարաւոր լինի մտնել պատմական այդ լարելըինթոսի մէջ, ըմբռնել նրա ընթացքը և ոգին, և միևնոյն ժամանակ կարող լինենք իր ամբողջ խորութեամբ և լայնութեամբ հասկանալ պատմութեան անցեալը ներկայի շնորհիւ, և, ընդհակառակն, ներկան անցեալի միջոցով, ինչպէս և կռահել մասամբ պատմական պերսպեկտիւը, ապագայ ընթացքը պատմութեան—այդ բոլորի համար անհրաժեշտ է ունենալ ընդհանուր, ընդգրկող աշխարհայեցողութիւն տիեզերապատմութեան մասին, կարճ, պէտք է ձեռք բերել պատմութեան փիլիսոփայութիւնը:

II.

Պատմափիլիսոփայութիւնը և նրա նիւթը.—նա հնումն.—Կոնտ.—սօցիոլոգիա և դասակարգութիւն.—պատմափիլիսոփայութիւնը ինքնուրոյն դիսցիպլին.—առաջին պատմափիլիսոփայական սրտեմը.

Պատմափիլիսոփայութիւնը, ինչպէս արդէն նկատել եմ, ճանաչում է իրր մի ինքնուրոյն գիտական դիսցիպլին: Պատմափիլիսոփայութեան հիմնախնդիրն է կազմում ձեռք բերել մի ընդգրկող տեսակէտ բովանդակ պատմութեան մասին, բայց այդ պատմութիւնն իր ամբողջութեան մէջ: Ինչպէս էլ ուղինանք որոշել պատմափիլիսոփայութեան առարկան, յամենայն դէպս նրա հետազոտութեան անմիջական առարկան պատմական մասնակի օրիեկտը չէ. պատմափիլիսոփայութիւնը, կարճ, ոչ թէ պատմական մասնակի օրիեկտի փիլիսոփայութիւնն է, այլ համաշխարհային պատմութեան օրիեկտի փիլիսոփայութիւնը: Բայց տիեզերապատմութիւնը կազմում է պատմական մասնակի մասնատների և օրիեկտների միութիւնը: Ահա պատմական այդ մասնակի օրիեկտներն են կազմում պատմափիլիսոփայութեան առարկան, միայն մի միութեան, մի օրգանական և ընդգրկող ամբողջութեան մէջ: Այդ մասնակի օրիեկտներն ըստ իրենց էութեան «անհատական» են. դրանք «միանգամ» կատարւած դէպքեր են: Այդ ամեն մի պատմական մասնակի օրիեկտը—«միանգամւանը» կազմում է պատմական ամբողջութեան մի բաղկացուցիչ մասնիկը: Դրանք ներկայանում են պատմութեան մէջ որպէս ինդիվիդուներ: Ահա այդ պատմական ինդիվիդուների ամբողջութեան հետ գործ ունի պատմափիլիսոփայական թէօրիօնը: Այսպիսով պատմափիլիսոփայութեան առարկան, նրա հետազոտութեան սահմանները յայտնի չափով որոշ է: Այդ է նրա ինքնուրոյն առարկան: Այս խնդրին կը դառնանք յետոյ ևս:

Բայց այդպէս չէր առաջ: Պատմափիլիսոփայութիւնը նախորդ դարաշրջաններում չէր ճանաչուում որպէս ինքնուրոյն գիտական դիսցիպլին: Անտիկ փիլիսոփայութեան առաջին շրջանում, նատուր-փիլիսոփայութեան տիրապետութեան միջոցին, պատմափիլիսոփայութիւնը որևէ տեղ չէր բռնում մարդկային մտածողութեան մէջ. նա մնացել էր ընդհանուր հետաքրքրութեան սահմանադժից դուրս: Մարդկային միտքը ամբողջապէս կլանւած էր տիեզերական, կօսմօլօգիական պրօբլէմներով, տիեզերաբանութիւնն էր կազմում ինքնիշխան տիրող մտածելակերպը: Մարդկային խորունկ մտքի խորունկ անդամահատութեան և վերլուծումների նիւթն էր կազմում բովանդակ բնութիւնը, և ստեղծուում էին մէկը միւսից Ֆանտաստիկ, մէկը միւսից օրգինէլ պատկերներ բովանդակ տիեզերքի մասին: Եւ միտքը սաւառնում էր տիեզերքի խորքերը, միշտ վերև: Վերևի աշխարհն էր նրա բնագաւառը: Վայրի աշխարհը, մարդկային եռուն կեանքը, հասարակական խնդիրները, անհատական և սօցիալ-հոգեբանական պրօցեսները բոլորովին չէին հետաքրքրում անտիկ աշխարհի առաջին, բնափիլիսոփայութեան շրջանի մտքերին: Հետևապէս չէր կարող լինել և պատմափիլիսոփայական դիսցիպլին:

Այս խնդիրները հին փիլիսոփայութեան միայն երկրորդ շրջանում դարձան հետաքրքրութեան և ուսումնասիրութեան նիւթեր: Սօֆիստներն ամենից առաջ շեշտեցին սօցիալական խնդիրները վրայ: Սօկրատէսը վար բերաւ սաւառնող միտքը իր երկնային բարձրութիւնից և իջեցրեց մինչև գիւղական խրճիթը, մարդկային եռուն և յոյգերով լիցուն կեանքը: Նա ուշադրեց մարդու էթիքական բնութիւնը: Նրա յաջորդները, Պլատոն և Արիստոտել էլ աւելի շեշտեցին և զարգացրին սօֆիստների փիլիսոփայութեան այդ կողմը:

Ճիշտ է, այդ ժամանակից ի վեր մարդիկ զբաղուում են սօցիալական խնդիրներով, անհատական և սօցիալ-հոգեբանական, ինչպէս և պատմական երևոյթների լուսաբանութեամբ, բայց պատմափիլիսոփայութիւնը գոյութիւն չունէր իբր ինքնուրոյն և առանձին գիտական սիստեմ: Շատերի մօտ նրանում և պատմափիլիսոփայութիւնը և իրաւունքի փիլիսոփայութիւնը: Այդ շփոթումը տեսնում ենք նաև յետագայ, աւելի մօտիկ ժամանակներում: Երկար ժամանակ շփոթում էին սօցիօլօգիան և պատմափիլիսոփայութիւնը: Այդ նոյն երևոյթը կրկնուում է այժմ

անգամ: Մարդիկ կան, որ նոյն իսկ պատմութիւնը համարում են սօցիօլօգիայի մի ճիւղը: Բայց դա հիմնօրէն սխալ է: Այսպիսի սխալ տեսակէտի վրայ է կանգնած նաև սօցիօլօգ Բարթը. արդէն նրա յայտնի աշխատութեան վերնագիրն անգամ խիստ մտրեցնող է և սխալ — «Die Geschichtsphilosophie als Soziologie»: Ըստ Բարթի պատմափիլիսոփայութիւնը սօցիօլօգիայի մի բաղկացուցիչ մասն է, նրա մի ճիւղը: Մի սխալ ըմբռնողութիւն: Այն հանգամանքը, որ թէ պատմութիւնը և թէ սօցիօլօգիան խօսում են մարդկային հասարակութեան մասին, դեռ հերիք չէ, ասել, թէ առաջինը վերջինի ճիւղն է, ինչ է ճիշտ լինէր այդ միտքը, այն ժամանակ կարելի է համարել պատմութիւնը նաև քաղաքակրթութեան մի ճիւղը, քանի որ երկուսն էլ պետութեան մասին են խօսում: Կարծում եմ, այդ պնդումն աւելի քան անհիմն է, անգամ անմիտ:

Նոյն այդ շփոթումը տեսնում ենք նոյնպէս Օգիւստ Կօնտի, գիտական սօցիօլօգիայի հիմնադրի աշխարհայեցողութեան մէջ: Նրա սիստեմում պատմահայեցողութիւնը չի կազմում առանձին գիտական, ինքնուրոյն դիսցիպլին: Կօնտի սօցիօլօգիան ընդգրկում է նաև մի պատմափիլիսոփայական թէօրիա:

Բայց ժամանակակից սօցիօլօգների ըմբռնումը հիմնօրէն տարբերուում է Օգիւստ Կօնտի տեսակէտից: Սրանք չեն ընդունում պատմափիլիսոփայութիւնը որպէս մի ճիւղը սօցիօլօգիայի: Սրանք, ընդհակառակն, ձգտում են դատել սօցիօլօգիան պատմափիլիսոփայութիւնից: Սօցիօլօգիան, իստ ժամանակակից սօցիօլօգների ըմբռնողութեան շատ աւելի սահմանափակելու է, քան մինչև այժմ է եղել. սօցիօլօգիայի հետազօտութեան մինչայժմեան շրջանագիծը շատ ընդարձակ և լայն է եղել: Այդ սօցիօլօգների, ինչպէս և պատմափիլիսոփաների ուշադրութիւնը ուղղւած է հաւասարապէս մի կէտի վրայ—գծել որոշակի կերպով ուղղւած է հաւասարապէս մի կէտի վրայ—գծել որոշակի կերպով սօցիօլօգիայի և պատմափիլիսոփայութեան հետազօտութիւնների սահմանները, տալ նրանց պարզ որոշումը: Թէև այդ ուղղութեամբ կատարւած է աշխատանք, բայց և այնպէս այդ աշխատանքը դեռ վերջնական կէտին չի հասել և նա շարունակուում է: Յամենայն դէպս, ժամանակակից սօցիօլօգները հրաժարուում են տալ բովանդակ էվօլուցիայի ամբողջական բացատրութիւնը, ինչպէս իմացաբանական հիմունքների և ազդող գործօնների հետազօտութիւնը: Այսպիսով, նրանք բաւականին սահմանափակում

են մտցնում սօցիօլօգիայի մինչալմեան հասակցողութեան մէջ՝ նոր սօցիօլօգները ելնում են մարդկային ընկերական կեանքի (Zusammensein) ր է ա լ ձ և ե ր ի ց, և բաւականանում են մի միայն հետազօտել այդ ընդհանուր ձեերը, նօրմերը և օրէնքնեւրը, ի հարկէ, սօցիալական գրուպաների և անհատների յարարերութեամբ: Սօցիօլօգիան ունի խիստ ա ր ս տ ր ա կ տ դ ի տ ո ղ ու թ իւ ն. և նա սրանով տարբերում միւս գիտութիւններէրից, նամանաւանդ պատմափիլիսօփայութիւնից, պատմափիլիսօփայութիւնը կրում է շնչուած կօնկրէտ բնոյթ: Սօցիօլօգիայի խնդիրն աւելի վերլուծական բնաւորութիւն ունի, այն ինչ պատմափիլիսօփայութեան խնդիրը համադրական: Պատմափիլիսօփայութիւնը տալիս է պատմութեան հիմունքն երի և ազդող գործօնն երի լուսարանութիւնը: Գործօնների, պէսպիսի գործօնների դերը և նշանակութիւնը տիեզերապատմութեան զարգացման խնամքով ուսումնասիրում և ճշտում է պատմափիլիսօփայութիւնը: Մա կազմում է, յիրաւի, այս գիտական սիստեմի ամենաէական և յատկանշական կողմը: Այս միտքը էլ աւելի պարզ և ցայտուն կը դառնայ, երբ կը տամ տարբեր պատմափիլիսօփայական աշխարհայեցողութիւնների նըկարագիրները և հիմունքները: Եւ այստեղ պատմափիլիսօփայութիւնը հետևում է իր հետազօտութեան մէջ մի գիտական, ներկայումս տիրող մեթօդին. դա պատմական մօնիդիս է: Այս բացառապէս տիրող և գիտական ըմբռնումն է պատմութեան: Բայց անցնենք:

Պատմափիլիսօփայութիւնը դեռ մի հրիտասարդ գիտութիւն է, ոմանք անգամ չեն ուզում ձանաչել նրան իրր այդպիսին: Պատմափիլիսօփայութեան գաղափարի զարգացմանը և խորանալուն մեծ զարկ տւեց լ ու ս աւ ո ղ ու թ իւ ն, լուսաւորող փիլիսօփայութեան դարաշրջանը: Վօլտէր, Մօնտեսքիօ, Ժան—Ժակ Ռուսօ, Հերդէր. ահա XVIII դարի այն փայլուն և խոշոր դէմքերի շարքը, որը սկիզբն է դրել պատմափիլիսօփայութեան, և յայտնի չափով զարգացրել այն, տալով նրան որոշ չափի գիտական սիստեմի բնոյթ: Այս յայտնի մտածողներն էին որ առաջին անգամ իրենց խորունկ վերլուծումների և հետազօտութիւնների համար նիւթ են շինում պատմափիլիսօփայութեան կարևորագոյն պօքէմները: Այդպիսի պօքէմներ էին, օրինակ, պատմութեան և քաղաքակրթութեան ծագման և էութեան խնդիրները:

Նման հարցեր են յարուցանում և վերլուծումների ենթարկում և՛ Վօլտերը, և՛ Ռուսօն, և Մօնտեսքիէօն, և՛ն, թէ իրենց պատմական և թէ պատմութեան վերաբերեալ գրածքներում. սրանք մտցրին գիտութեան մէջ հասարակական երևոյթների և պատմական կեանքի հիմնական ուղղութիւնների օրինաչափութեան հասկացողութիւնը:

Ոմանք պատմափիլիսօփայութեան ծագումը համարում են Մօնտեսքիէօից, ուրիշները իրր պատմափիլիսօփայութեան հիմնադիր ընդունում են Հերդէրին, բայց Վօլտէրն է առաջին անգամ գործածել պատմութեան փիլիսօփայութիւն արտայայտութիւնը— „La philosophie de l'histoire“: Բայց անհրաժեշտ է նկատել, որ այդ շրջանում չը վերածւեց պատմափիլիսօփայութիւնը մի գուտ, գիտական սիստեմի. դա, եթէ կարելի է այսպէս արտայայտել, պատմութիւնը փիլիսօփայօրէն դիտելու դարաշրջանն էր: Կային միայն փիլիսօփայական մտքեր, դատողութիւններ, դրութիւններ տիեզերական պատմութեան մասին, բայց ոչ ամբողջական պատմափիլիսօփայական սիստեմ: Դա պատմափիլիսօփայութեան զարգացման միայն առաջին շրջանն էր: Իսկ այժմ նա մտել է իր զարգացման մի նոր, անհամեմատ բեղմնաւոր: շրջանի մէջ:

Մենք տեսնում ենք պատմութեան փիլիսօփայութիւնը մի սիստեմի վերածած ամենից առաջ կաթոլիկ աշխարհայեցքի մէջ: Այստեղ, յիրաւի, ինչպէս իսկոյն կը տեսնենք, երևան է բերւած մի ամբողջացած, ներդաշնակօրէն զարգացրած պատմափիլիսօփայական սիստեմ, մի մօնիստական ըմբռնողութիւն պատմութեան մասին:

Այդ պատմափիլիսօփայութեան հիմքում գրւած է աստուածաբանութեան հիմնասկզբունքը. նա կրում է զուտ աստուածաբանական, կրօնական—մետաֆիզիկ բնաւորութիւն: Մենք այսպիսով անցնում ենք պատմափիլիսօփայութեան տարբեր սիստեմների, տարբեր աշխարհայեցողութիւնների նկարագրին: Նրանց սկիզբը, զարգացումը և էութիւնը լուսարանելու խնդրին: Սրանով բնականաբար աւելի յարմարութիւն է տրւում մտնել շօշափւող հիմնահարցի, և առհասարակ պատմական մի շարք շօշափւող հիմնահարցի, և առհասարակ և հնարաւոր կը լինի պրօբլէմների խորքը, միաժամանակ և հնարաւոր կը լինի ձեռք բերել մի յստակ, պարզ գաղափար այն պատմափիլիսօփայական ըմբռնողութեան մասին, որը մենք ենք ներկայացնում: Անցնենք բուն խնդրի մասին:

III.

Կրօնական-աստուածաբանական պատմափիլիսոփայութիւնը.— միջին դարի նկարագիրը.— Աւգուստին շիրք հիմնադիր.— Բօնիէ և ուրիշները:

Պատմութեան փիլիսոփայութիւնն առաջին անգամ սիստեմի վերածեցին, ինչպէս նկատեցի, քրիստոնէական եկեղեցու հայերը, միջնադարեան կրօնականութեան իդէօլօգ-աստուածաբանները: Դա կրօնական-աստուածաբանական պատմափիլիսոփայութիւնն է: Մինչ այդ պատմական երևոյթների բացատրութիւնը և մեկնութիւնը վերագրուում էր պատահականութեան. պատմական մօմենտները և դէպքերը դիտում էին զուտ-զուտ և ոչ թէ ընդհանուր ամբողջութեան մէջ: Չը կար ընդհանուր և դիկավար սկզբունք, որով լուսարանէին բովանդակ տիեզերապատմութեան երևոյթները, ծագումը և զարգացումը: Ուրիշ խօսքով, մարդու հայեացքը ուղղած չէր պատմութեան վրայ իր ընդգրկող ամբողջութեան մէջ: Մինչ այդ չը կար անգամ տիեզերապատմութիւն ներկայ հասկացողութեամբ. կար միայն հոռմէական, յունական—հելլենական պատմութիւն: Եւ այդ հոռմէացի և յոյն գրողների համար Հոռմից և Աթէնքից դուրս աշխարհ գոյութիւն չունէր: Նրանք չեն տեսել մեզ տիեզերապատմութիւն, հետեւապէս նաև պատմափիլիսոփայութիւն: Եկեղեցու հայերն են տալիս այդ. առաջին անգամ նրանք են որոնում պատմական զարգացման գրդապատճառները, մղիչները և հիմնասկզբունքները: Նրանք մշակում են ընդհանուր սկզբունքներ, որոնցով լուսարանում են բովանդակ տիեզերական պատմութիւնը: Այսպիսով պատմութեան, պատմական պրօցեսների և երևոյթների պատահական լուսարանութիւնը և մեկնումը մէջ տեղից վերանում է: Նրանք պատմութեան մէջ մտցնում են օրինակափոխութիւն, օրինականութիւն: Այն ամենը, ինչ կատարուում է

954 - 93

պատմութեան մէջ, դիտուում է այժմ ոչ թէ պատահականութեան հետեանք, առանց պատճառի և աննպատակ, ինչպէս առաջ էին մտածում, այլ, ընդհակառակն, իբրև որոշ պատճառների հետեւանք, յայտնի ծրագրի արգասիք: Պատմութիւնը, պատմական հոսանքը իր ամբողջութեան մէջ մի շողակոյտ չէ, իրար հետ որևէ առնչութիւն չունեցող և մի ընդհանուր օրէնքի չը վերաճող դէպքերի շողակոյտ, այլ նա մի միութիւն, մի ամբողջական և օրգանական միութիւն է: Ահա այդպիսի մի միութեան, մի պլանաչափ և օրինաչափ սիստեմի վերածեցին պատմութիւնը միջնադարեան եկեղեցու իդէօլօգները: Դա, այսպէս ասած, առաջին պատմափիլիսոփայութիւնն է, առաջին պատմահայեցողութիւնը:

Այս անդրանիկ պատմահայեցողութիւնը կրում է իր դարի առանձնայատուկ դրօշմը: Նա միջնադարեան ծնունդն էր, նրա հարազատ ստեղծագործութիւնը: Մենք գիտենք պատմութիւնից, որ հոռմէական ընդարձակ և ծաւալող կայսրութեան անկմանը յաջորդում է պապականութեան գերիշխանութիւնը: Այդ հսկայական ոյժը երևան է գալիս արևմտեան Եւրոպայում, և այդ ժամանակից ի վեր աւելի ու աւելի ծաւալուում է, նորանոր կուսաներ գտնում իր իշխանութեան համար, և տէր ու տնօրէն դառնում փաստապէս իրականութեան, իրերի գրութեան: Եկեղեցին, պապական-կաթոլիկ եկեղեցին և Ֆէօդալիզմն են լցնում ամբողջ միջնադարեան պատմութեան ըովանդակութիւնը. եկեղեցին էր իմացութեան աղբիւրը, նրան էին դիմում ուսանելու և ցուցումներ ստանալու համար: Կրօնական զրացումն ինչպէս է գունաւորում և կերպանաւորում պատմութիւնը. դա կրօնականութեան, կրօնական վարդապետութեան դարաշրջանն էր: Եւ դրա վրայ էլ յինուում է պատմափիլիսոփայական սիստեմի առաջին փորձը:

Այդ առաջին պատմափիլիսոփայական թէօրիայի հիմնադիրը և զարգացնողն է հոռմէական եկեղեցու հայերից ամենախոշոր դէմքը, Աւգուստին: Առհասարակ իր ծայրագագաթին է հասնում եկեղեցական հայերի փիլիսոփայութիւնը Աւգուստինի մէջ: Աւգուստինը ներկայացնում է իրենից մարմնացումն պապականութեան հիմնական տեսակէտների, առհասարակ, վարդապետութեան: Կրօնական վարդապետութիւնը ստացաւ Աւգուստինի մէջ իր կատարելատիպ և բազմակողմանի ու ներդաշնակ զարգացումը, ինչպէս ամենաորոշ ձևակերպումը:

Աւգուստինի համար տիեզերապատմութեան հիմնական և

ղեկավար սկզբունքն է ն ա խ ա խ ն ա մ ու թ ի լ ն ը: Նա պատմութեան հիմքում դնում է, ուրեմն, մի մի ա կ պ ա տ ճ ա ու, և այդ մի հատիկ պատճառով լուսարանում տիեզերական պատմութիւնը. մի զուտ մոնիստական տեսակէտ: Բայց այդ նախախնամութիւնը բոլոր իրերի, ինչպէս բոլոր պատմական երևոյթների պատճառը լինելով հանդերձ, նրանց զարգացումն և վախճանն է միաժամանակ: Այս մի հատիկ սկզբունքն է մեկնակէտը բովանդակ պատմութեան: Եւ հէնց այդ ղեկավար սկզբունքի, նախախնամութեան շնորհիւ որոշակի օրինականութիւն է մըտնում առհասարակ տիեզերքի, մասնաւորապէս լարիւր ինթոսային պատմութեան մէջ: Այն, ինչ նախախնամօրէն տրւած է, նա աստուածային է, նրան պէտք է անպայմանօրէն հ ա լ ա տ ա լ: Եւ Աւգուստինը դէմ էր սկեպտիցիզմին. կայ մի անկասկածելի, անտարակուսելի ստուգութիւն, որը պիտի կազմի բոլոր փիլիսոփայութիւնների հիմունքը, դա մ տ ա ծ ո ղ ու թ ի լ ն ը ն է: Աւգուստինը դրանով յայտնում է այն միտքը, ինչ մենք տեսնում ենք Գեկարտի «Cogito ergo sum»—ես մտածում եմ, հետևապէս կամ—հրչակա՞ծոր խօսքերի մէջ արտայայտւած: Ով տ ա ր ա կ ու ս ու մ է, նա ևս մ տ ա ծ ու մ է. և եթէ մարդ մտածում է, չի կարող ամեն ինչ ժխտել, տարակուսել: Հոգեկանը անտարակուսելին է: Ահա Աւգուստինի պնդումը: Ներքին կեանքի ճշմարտութիւնը ազատ է ամեն խարէութիւնից: Այսպէս զարգացնելով իր դոկտրինը, Աւգուստինը հասնում է այն մտքին, թէ հաւատքն է իսկական ճանապարհը դէպի իմացութիւնը. այն, ինչ զգայնական է, չի կարող լինել յաւիտենական ճշմարտութիւն. նա լաւագոյն դէպքում միայն ճշմարտութեան պատկերն է, որը կարող է հեշտութեամբ ոչնչանալու վտանգին ենթարկւել: Հոգումն է այդ յաւիտենական ճշմարտութիւնը: Բայց բոլոր յաւիտենական և գերագոյն ճշմարտութիւնները ունեն իրենց գեղեցիկ և ամենաներդաշնակ միութիւնը Աստուծոյ մէջ: Այսպիսով Աստուած, թէև անճանաչելի, պատճառն է բոլոր իրերի, պատճառը ճշմարտի, գեղեցիկի և բարիի: Եւ այդ Գերագոյնն է գեկավարում, օրինաչափութիւն մտցնում տիեզերական շարժումներին, ինչպէս պատմութեան, պատմական շարժման մէջ: Ամեն բանի մէջ դեր է խաղում այդ նախախնամութեան մատը: Աշխարհիկ պետութիւնը Աստուծոյ պետութիւնն է:

Աւգուստինը իր այս աստուածպետական և կրօնափիլիսոփայական տեսակէտը զարգացնում է իր գլխաւոր աշխատութեան

«De civitate Dei» մէջ, որը, յիշուի, ունի պատմափիլիսոփայական բնոյթ և գրել է նա 13 տարւայ ընթացքում (բաղկացած 22 հատորիկերից): Նա Փանտաստիկ ձևի մէջ տալիս է Քրիստոսի, քրիստոնէական եկեղեցու և աստանայի պետութեան միջև մղւող կռիւնները: Նախ քան Քրիստոսի երևումը, ասիական թագաւորութիւնների, ինչպէս և հռոմէական կայսրութեան մէջ թագաւորում էր աստանայի ոյժը: Աստանայի պետութիւնն էր ծաւալւած ամենուրէք: Քրիստոսի երևումով եկեղեցին ստանում է ոյժ և սկսում է անողոք կռիւ մղել աստանայի թագաւորութեան դէմ: Ամբողջ մարդկութիւնը բաժանւում է երկու՝ իրար դէմ սպառնալից կանգնած և կուռղ բանակներին—Աստուծոյ և աստանայի որդիներ: Առաջինը խաղաղութեան, ներդաշնակութեան նշանակն է, միշտ Աստուծոյ հետ, իսկ երկրորդը ներքին յաւիտենական անհաշտութեան և անմիաբանութեան նշանակն է. սա ներկայացնում է իրենից անհնազանդումն Աստուծոյ և նրա աստուածային պատւէրների դէմ:

Այս կռիւը, աստանայի պետութեան և Աստուծոյ թագաւորութեան միջև, վերջանում է նրանով, որ վերջ ի վերջոյ յաղթանակում է եկեղեցին և անսահմանօրէն տարածւում է արևմտեան, և անգամ արևելեան ժողովրդների մէջ: Հոգեկան ոյժը գերիշխում է մարմնականին: Տիրում է Աստուծային էութիւնը, Աստուծոյ թագաւորութիւնը, civitas Dei. յետ է մղւում է մի անգամ ընդ միշտ civitas diaboli, աստանայի թագաւորութիւնը: Ահա եկեղեցու, Աստուծային էութեան այս յաղթութիւնը աստանայի թագաւորութեան վրայ լցնում է պատմութեան էական բովանդակութիւնը:

Աւգուստինի տեսակէտը կարելի է համարել տիպարը ամբողջ միջնադարեան պատմահայեցողութեան. նա միշտ էլ մնաց իրը առանձնայատուկ կաթոլիկական սխտեմ: Աւգուստինի պատմահայեցողութիւնը երկար շարունակւում է և պահում իր ոյժը: Otono Ֆրայսիգը, XII դարի միջին, դարձնում է Աւգուստինի հիմնական տեսակէտը իր պատմափիլիսոփայութեան հիմունքը: Աւելի ուշ, XVII դարի վերջին կիսում ներկայացնում է նոյն այդ պատմահայեցողութիւնը Ֆրանսիացի յայտնի մտածող Բօսիւէն, (Bossuet), հեղինակը «discours sur l'histoire selle» խորհրդածութիւններ տիեզերական պատմութեան մասին—աշխատութեան: Բօսիւէի այդ պատմական երկի հիմնական միտքն

այն է, թէ պատմական, ինչպէս և պետական անցքերը կատարուում են ոչ թէ պատահաբար, այլ խիստ և շեշուած օրինականութեամբ: Բոլոր դէպքերն ըստ այդ օրինականութեան այնպէս են դասաւորուում, որ իրենց էութեամբ գալիս են մի յայտնի, նախապէս սահմանագծուած ծրագիր լրացնելու: Ասուածային Նախախնամութիւնը ինքն է պատմութեան, ինչպէս և տիեզերքի օրինականութիւնը, և նա անհրաժեշտօրէն պատրաստում է եկեղեցու, կաթողիկ եկեղեցու անտարակուսելի յաղթանակը: Եւ այդ խելօք, գործունիայ միտքը ամբողջ իր թափը և ոյժը ուղղած էր այն կէտին, հաստատապէս ապացուցել եկեղեցական յայտնութիւնների և կրօնական իրէանների ճշմարտութիւնը պատմական ուսումնասիրութիւնների միջոցով: Տիեզերապատմութիւնը այլ բան չէ, քան եկեղեցական յայտնութիւնների և կրօնական իրէանների պատմութիւնը: Եւ այդ ամենը ղեկավարում, առաջընթանում է մի գերբնական մեծութեան, ոյժի—Նախախնամութեան շնորհիւ: Բօսիւէի համար էլ, ինչպէս Աւգուստինի, Նախախնամութիւնն է պատմական հոսանքի հիմնակղբունքը, շարժիչ սյժը:

Նման պատմահայեցողութիւն է ներկայացնում նոյնպէս Ռ. Թոլստոյը, „Philosophie der Geschichte“ երկհատոր աշխատութեան հեղինակը: Նրա մի այլ գրեւծքը շատ ընտրոշ է նրա պատմահայեցողութեան տեսակէտից „Geschichte Gotteswerk“:

Այս պատմահայեցողութիւնը, ինչպէս տեսանք, հիմնուում է եկեղեցական յայտնութիւնների, զօգմաների վերայ և ղեկավարուում մի գերբնական ձեռքով: Այս կրօնական—ասուածպետական պատմափիլիսօփայութիւնը զօգմատիկ բնակրութիւն ունի, անքննադատ է և գիտական բնոյթից զուրկ: Այս սխտեմում մենք չենք տեսնում պատմական երևոյթների գիտական հետազոտութիւն, ինչպէս և պատմական փաստերի ստուգութիւն: Նրանք իրենց ամբողջ ուսումնասիրութիւնը, պատմական երևոյթների լուսարանութիւնը յարմարեցնում էին եկեղեցու, պապական—տիեզերական եկեղեցու զօգմաներին, քրիստոնէութեան յայտնութիւններին: Սրանք էին կազմում պապականութեան, եկեղեցու իրէօրջների, և առհասարակ միջնադարեան մտածողութեան սահմանագծերը, միջնադարեան մարդու մտածելաշարը: Եւ իրենց ուսումնքը հիմնաւորելու և ապացուցելու համար նրանք ունէին մի միակ աղբիւր, դա Ասուածաշունչն էր:

Այս ասուածարանական պատմահայեցողութեան շարունակութիւնը լինում է—թէև ոչ անմիջապէս և ուղիղ գծով— իր գէալիստական պատմահայեցողութիւնը:

IV.

Իրէալիստական պատմափիլիսօփայութիւնը.—Հերդէր.—Կօնա.—Շելլինգ և Ֆիխտե.—Հեգելի իրէալիստական փիլիսօփայութիւնը.—Նրա պատմահայեցողութիւնը:

Հերդէրից և Մօսեսքիօից է սկիզբն առնում ժամանակակից և գիտական պատմափիլիսօփայութիւնը: Հերդէրին կարելի է համարել իրէալիստական պատմահայեցողութեան սկզբնական ներկայացուցիչներից մէկը: Նա կանգնած է հումանիտար գիտութիւնների տեսակէտի վրայ: Նրա համար չափ է կազմում հումանիզմը: Նա ընդունում է, որ ժողովուրդների պէսպիսութեան, տարբեր ուսանների և ազգերի կազմութեան դիմաց կան նաև ընդհանուր գծեր, այն, ինչ ընդհանուր մարդկային կարելի է կոչել, դա հումանիզմն է: Եւ բոլոր ժողովուրդները դիմում են դրան: Ժողովուրդը Հերդէրի համար մի օրգանական միութիւն է: «Մարդկութեան պատմութեան մասին խորհրդածութիւններ» գրեւծքի մէջ Հերդէրն իրը հիմունք ընտրել է մարդկութեան կուլտուրայի կատարելագործութեան գաղափարը, առաջադիմութեան գաղափարը դէպի լուսաւորութիւն և երջանկութիւն: Բայց առաջադիմութիւն ասելով, նա չէ հասկանում միմիայն մտքի հարստութիւնը, այլ ամբողջական մարդու անող բարոյական կատարելագործումը՝ բնութիւնից մարդուն տուած բոլոր ոյժերով և ընդունակութիւններով հանդերձ: Ամբողջական մարդկութիւնը մի կէտնապատակ ունի— իրագործել հումանիզմի, մարդասիրութեան գաղափարը: Այդ է լցնում պատմութիւնը: Սա իրէալիզմ է, իրէալիստական պատմահայեցողութիւն:

Հերդէրից յետոյ երկու հակադիր ուղղութեամբ է գնում պատմափիլիսոփայական տեսութիւնը—իդէալիստական և մատերիալիստական: Իդէալիստական պատմափիլիսոփայութիւնը կամ իդէալ-փիլիսոփայական ուղղութիւնն ենում է Կանտից և իր կատարելութեան ու զարգացման զագաթնակէտին հասնում է Հեգելի փիլիսոփայական սիստեմի մէջ: Հեգելն ասաց առհասարակ իդէալիզմի վերջին խօսքը:

Կանտն իր փիլիսոփայական տեսակէտը պատմութեան մէջ զարգացնում է իր «Idee zu einer allgemeinen Geschichte in weltbürglicher Hinsicht» աշխատութեան մէջ: Կանտին խորունկ կերպով զբաղեցնում է այն դժուարին և հիմնական խնդիրը, թէ ինչպէս է, որ մարդկանց ազատ գործողութիւնները և կամաարտայայտութիւնները սահմանում գոյութիւն ունի ընդհանրապէս պատմութեան օրինական, օրինաչափ ընթացք: Այս հարցի համար Կանտն ունի իր վճռական, բացարձակ պատասխանը— պատմութեան օրինակութիւնը հնարաւոր է մի միայն պետութեան շնորհիւ: Պարզինք այդ միտքը: Մարդիկ կամօրէն, գլխակցաբար ենթարկւում են, որպէս զի գոյութեան սանձարձակ կուում չ'ոչնչանան, մի պետական կազմակերպութեան, նրա օրէնքներին և ստիպողութեան. և շնորհիւ հէնց այդ պետական կազմակերպութեան էլի մեծ չափով պահպանւում է առանձին անհատների ազատութիւնը: Ուրեմն պետութեան զարգացումն է պատմութեան էութիւնը, անգամ պատմութեան բովանդակութիւնը: Նոյն այս միտքը մենք տեսնում ենք նաև Հեգելի պատմափիլիսոփայութեան մէջ, բայց աւելի զարգացրած և հիմնաւորւած: Բայց Կանտի ուշքն ու միտքը ուղղւած էր մի կէտի, այն է, առաջ բերել մի պետութիւն, ուր մարդանհատը ազատ, անկաշկանդ, զարգանայ, աճի: Այս տեսակէտից ելնելով է նա դիտում ամբողջ պատմութիւնը: Սա մի տեսակէտ է a priori*):

Յիստէն և Շելլինգը ևս կանգնած են այդ տեսակէտի վրայ: Վերև գրւած հարցին նրանք ևս նոյն կանտեան պատասխանն են տալիս: Յիստէ և Շելլինգ աւելի խորացնում և զարգացնում են

*) Կանտի պատմափիլիսոփայական տեսակէտը սիստեմատիկ կերպով զարգացրած է Medicus-ի «Kants Philosophie der Geschichte» աշխատութեան մէջ:

ազատութեան և անհրաժեշտութեան հարցերը պատմութեան մէջ և նրանք հնարաւոր են համարում այդ երկու՝ ըստ երևոյթին՝ հակադիր դրութիւնները հաշտեցնել միմիայն պետութեան մէջ, իբր մի հիմնական սկզբունքի մէջ, և որը ներկայանում է որպէս իդէա պատմութեան: Բովանդակ պատմութիւնը կրթնում է ազատութեան սկզբունքի և բանականութեան վրայ: Բանականութիւնը, ըստ Յիստէի, սկզբում գործում է որպէս բնագոյ, յետոյ իբր հեղինակութեան ստիպողութիւն, և ապա ծագում է ազատութիւնը. ամեն ինչ կազմակերպւում է բանականութեան միջոցով: Շելլինգը, ինչպէս արդէն դիտելու է, ներկայացնում է մի մետաֆիզիկ պատմաճայեցողութիւն. ընդունելով ազատութեան և անհրաժեշտութեան միջև եղած կոտիւր, նա հաշտեցնում է այդ պետութեան մէջ: Շելլինգի տեսակէտով չը կայ ոչ մի իրաւունք առանց պետական կազմի, առանց իրաւունքի՝ ազատութիւն, առանց ազատութեան՝ ոչ կարգ և ոչ էլ կուլտուրա:

Ահա իդէալ-փիլիսոփայութեան, իդէալիստական պատմափիլիսոփայութեան սկզբնական աստիճանները, դրութիւնները և մտքերը, որոնք Հեգելը, գերմանացի յայտնի փիլիսոփան, խորունկ կերպով զարգացրեց և դրաւ մի որոշ ձևի մէջ: Հեգելը ասեց իդէալիստական փիլիսոփայութեան, առհասարակ իդէալիստական պատմաճայեցողութեան ամենավերջին խօսքը: Այնքան պարզ և բիւրեղացած է Հեգելի պատմափիլիսոփայութիւնը, որ հնարաւոր է մի քանի բառով ձևակերպել այն:

Բայց ինչն է կազմում Հեգելի, այդ մեծ իդէալիստի պատմափիլիսոփայութեան կամ առհասարակ փիլիսոփայութեան հիմնական և զիկավար սկզբունքը. ինչն է, վերջապէս, պատմութեան մղիչ ոյժը:

Դա ի դէպ է: Իդէան է, որ որոշում է իրերի դրութիւնը և ունի հաստատուն ոյժ: Իդէան է Հեգելի տեսակէտով միակ շարժիչ ոյժը, գլխաւոր աղբակը պատմական, ինչպէս և տիեզերական էվոլյուցիայի մէջ: Հեգելը իր գլխաւոր աշխատութեան „Phänomenologie des Geistes“ մէջ նոյնացնում է ոգին ընդհանրապէս տիեզերապատմութեան ոգու հետ: Իդէա և Ոգի նոյնութիւն են կազմում Հեգելի փիլիսոփայութեան մէջ: Ի դէպն ամեն ինչ է, ամեն ինչ ի դէպ է: Ամբողջ աշխարհը Իդէայի կամ Ոգու մի պատկերն է: Բովանդակ իրականութիւնը և Իդէան հոմանիշ են: Իդէան ինքը բովանդակումն է

իրականութեան. Իդէան մօրմնացնում է բովանդակ աշխարհը: Ամեն մի իր մարմնացումն է մի մտքի. հետևապէս ամեն բան, ինչ իրական է, նա միաժամանակ բանաւոր է. և եթէ համաշխարհային պրօցեսը դերագոյն աստիճանին հասնում է փիլիսօփայութեան մէջ, իսկ վերջինս էլ արսօլիւտ իդէալիզմի սիստեմի մէջ է կայանում, հետևապէս ամեն բանաւոր միաժամանակ իրական է:

Սա արսօլիւտ Իդէայի փիլիսօփայութիւնն է, նրա անմիջական հետևանքը:

Իդէան, ուրեմն, արսօլիւտն է, բացարձակը: Եւ այդ բացարձակ իդէաները կրում են իրենց մէջ յաւէտ շարունակող հակադրութիւն: Եւ տիեզերապատմութիւնը ոչ այլ ինչ է, բայց եթէ արտացոլումն այդ բացարձակ իդէաների. պատմական տարբեր շրջանները ներկայացնում են իդէաների մարմնացման տարբեր էտապները: Բովանդակ պատմական պրօցեսը կատարւում է այդ իդէաների իմամենտ զարգացման շնորհիւ և խիստ տրամաբանական հետևողութեամբ և բնահրաժեշտօրէն: Տիեզերապատմութեան ամեն մի շրջանը անցողական է և կազմում է միաժամանակ անհրաժեշտ նախապայմանը յաջորդող շրջանի: Եւ մտքի, իդէայի զարգացման պրօցեսը այսպէս յաւիտեան շարունակւում է: Սա բացասումն է բացասման, հակասութեան, ժխտումի յաւիտենական սկզբունքը: Պատմութիւնը շարժում է, յաւիտենական շարժում: Սա Հեզելի դիալեկտիկական մտածողութիւնն է, որը յետոյ կիրառւում է Մարքս—էնգելսի մատերիալիստական պատմահայեցողութեան մէջ—դիալեկտիկական մեթօդը:

Այստեղ, ինչպէս տեսնում էք, մենք գործ ունենք մի զօրեղ և խիստ շեշտած սպեկուլացիայի հետ: Այսպիսով իրկանութիւնը—իսկ դա նոյնանում է Հեզելի սիստեմում Իդէայի հետ—բացասման բացասումի շնորհիւ յաւէտ վերապրում է, նա իր բացասումից, ժխտումից էլի դէպի ինքն իրեն է վերադառնում: Դա իրականութեան տրամաբանական կողմն է, նրա տրամաբանութիւնը: Հեզելը ներկայացնում է, եթէ կուզէք, աշխարհի, տիեզերքի, եթէ կարելի է այսպէս արտայայտել, տրամբանացումը. նրա իդէալիստական փիլիսօփայութիւնը տրամաբանական իդէալիզմն է:

Ահա այսպէս ուժեղ է Հեզելի փիլիսօփայութեան, պատմափիլիսօփայութեան մէջ սօցիալական դիւնամիկան, դիւնամիկային

կողմը, որը զբաղւում է իդէաների շարժման օրենքների լուսաբանութեամբ: Կարլ Մարքսը հանճարեղ կերպով կիրառեց այդ արդիւնաբերական ոյժերի վրայ: Արդիւնաբերական ոյժերը իրար յաւիտեան վերապրում են:

Եւ Հեզելը իր այդ դիալեկտիկական մեթօդի շնորհիւ ուզում է լուծել այն պրօբլէմը, որը դրել էր Կանտը—ազատութեան և անհրաժեշտութեան պրօբլէմը: Տիեզերական Ոգին, միևնոյն է ասել, արսօլիւտ Իդէան, զարգանում է պատմութեան մէջ—և նրա հետ միասին—դրութեան, հակադրութեան և համադրութեան շնորհիւ, և իր, ասել է և պատմութեան, տարբեր ֆազերի միջից դիմում է իր հոգեկան—բարոյական ազատութեան կատարել և պայծառ գիտակցութեանը, որը պետութեան մէջ, ժողովուրդների ոգու, նրանց կուլտուրական, գիտակցական ազատութեան մէջ իր տարբեր արտայայտութիւններն է գտնում: Եւ այդ Իդէայի, տիեզերական Ոգու զարգացման, գիտակցութեան այդ աստիճանական բարձրացումի՝ աստիճանները կազմում են իրական պատմութեան էտապները, պատմութեան շրջանները: Պատմութիւնը Հեզելի համար այլ բան չէ, քան առաջտիւմութիւնը ազատութեան գիտակցութեան մէջ: Եւ ազատութեան մօմենտներ ի աստիճանական յաջորդութիւնը նա տալիս է պատկերաւոր ձևի մէջ, կիրառելով պատմական շրջանների վրայ: Հեզելը ընդունում է պատմազարգացման երեք գլխաւոր և բնորոշիչ աստիճաններ: Պատմազարգացման կամ ազատութեան գիտակցութեան առաջին շրջանը կամ էտապն է Արևելքի պատմութիւնը, երբ ժողովուրդների Ոգին դեռ անգիտակից է, երբ ազատութիւնը դեռ իր սկզբնական, սաղմնային վիճակի մէջ է գտնւում, երբ, վերջապէս, դեռ մէկն է ազատ: Երկրորդ շրջանն է կազմում յունական—հռոմէական պատմութիւնը, ուր ոչ թէ մէկը, այլ շատերն են ազատ, ու սկսում է Ոգու մուտքը իր ազատութեան գիտակցութեան մէջ. և երրորդ շրջան, ուր ազատութեան գիտակցութիւնը բարձրանում, հասնում է ընդհանուր հոգեկան ազատութեան ինքնազգացումին. այս շրջանում բոլորն ազատ են, դա ժամանակակից պատմութիւնն է:

Ահա Հեզելի միաձոյլ իդէալիստական պատմահայեցողութիւնը: Սա տիեզերական մտքի կուլտն է. սա պարունակում է իր մէջ առհասարակ իդէալիստական աշխարհայեցողութեան և ըմբռնողութեան վերջին խօսքը. սա իդէալիզմի ծայրակէտն է,

կատարելատիպը: Եւ պատմութեան փիլիսոփայութիւնը կազմում է Հեգելի ամենամեծ և գիտական վաստակը, մտարտադրութիւնը: Նրա տեսակէտը շատ արագ կերպով ծաւալեց ամենուրէք և նա էր երկար ժամանակ տիրականօրէն իշխող մտահայեցողութիւնը:

Բայց այժմ, XX դարի մարդկային մտածողութեան մէջ Հեգելի պատմահայեցողութիւնը, իբր այդպիսին, տեղ չի բռնում: Նա պատկանում է պատմութեանը. նա դիտում է իբր պատմական դօկումենտ: Նրա պատմափիլիսոփայական կօնցիպցիան ամբողջապէս սպեկուլացիայի արգասիք է, օղից կախած, իրականութեան հետ առանձին և անմիջական առնչութիւն չունեցող: Նա իր ամբողջութեան մէջ զօրեղ, հզակի երևակայութեան մի գեղեցիկ, անգամ հանճարեղ և ֆանտաստիկ պատկեր է, մի խաղ: Նրա ամբողջ պատմափիլիսոփայական կառուցւածքը բարձրացրած է սպեկուլացիայի, վերացականութեան հիմքի վերայ. այդտեղ միանգամայն բացակայում է պատմական պրօցեսի, պատմական զարգացման գիտական հիմունքներով և, որ գլխաւորն է, դետայլօրէն հիմնաւորումը:

Բայց անցնենք միւս պատմափիլիսոփայական ըմբռնողութիւններէ լուսարանութեանը. էլի առիթներ կը ներկայանան իդէալիստական պատմահայեցողութեան քննադատութեանը դառնալու:

V.

Պօզիտիւիստական տեսակէտը.—մի միջին ձև իդէալիստական և մատերիալիստական պատմափիլիսոփայութիւնների մէջ.—Կօնդօրսէն իբր սկսող.—Կօնտ և նրա պօզիտիւիզմը.—Ապենտէր, Շէֆֆլէ, Վօրմս.—Լամպրեխտ.—Դարվին.—քննադատութիւն:

Իդէալիստական և մատերիալիստական պատմափիլիսոփայական ըմբռնումների միջև կայ մի աստիճան, մի միջին ձև, մի աշխարհայեցողութիւն, որը պարունակում է տարրեր և դրութիւններ թէ պատմական իդէալիզմից և թէ պատմական մատերիալիզմից. բայց նա ունի և ըստ էութեան տարբերողական կէտեր և մտքեր թէ առաջինից և թէ վերջինից: Այս ձևը, պատմահայեցողութեան այս միջին ձևը կարելի է անւանել սօցիալական—կօլեկտիւիստական կամ պօզիտիւիստական: Այս պատմափիլիսոփայական ուղղութեան նախնապայմանը և ելակէտը չէ կազմում երբէք իմացաբանական հետաքրքրութիւնը և դիտողութիւնը, մի բան, որը տիրականօրէն իշխում էր պատմական իդիալիզմի մէջ: Այս տեսութեան մէջ, ընդհակառակն, հետաքրքրութիւնը և դիտողութիւնն ուղղւած են այն կէտին—ձեռք բերել սօցիալական ազդու, իրական գործօնների ճանաչողութիւնը: Այստեղ որոշակի կերպով շեշտւում է գործնական արժէքը: Այստեղ գործ ունենք կօնկրետ, իրական կեանքի և աշխարհի հետ: Մի նոր ջիղ, նոր զիծ, մինչաժմեան պատմափիլիսոփայական ուղղութիւններին անձանօթ զիծ:

Կօնդօրսէն է համարւում փաստապէս այս ուղղութեան հիմնադիրը, աւելի ճիշտ, սկսողը: Կօնդօրսէն XVII տարի Փրանսիական եռուն կեանքի հարազատ զաւակն է, եռանդուն մասնակցողը Փրանսիական յեղաշրջումներին: Ժիրօնդիստների զե-

կալարներէց և թէօրետիկներէց մէկը, ամենաականաւորներէց մէկը: Նա ապրել է այդ ամբողջ կեանքը: Նա այդ եռուն սօցիալական և քաղաքական շարժումներէ և բռնկումներէ բովումն է մեծացել, և եղաւ ժամանակի ոգու թելադրողը:

Ինչպէս ամեն մի մտածողի, որը իրեն խնդիր է դնում պատմութեան լուսաբանութիւնը, նոյնպէս և Կօնդօրսէի համար ամենաէական հարցն է զարգացման գործօններէ, մղիչ ազդակներէ հարցը: Կօնդօրսէն ընդունում է երկու տեսակի գործօններ, որոնցով պայմանաւորուում է պատմութեան ծագումը, զարգացումը և վախճանը: Նա որոշում է մարդկային ընդունակութիւններ և արտաքին աշխարհի, բնութեան ազդեցութիւններ, ինչպէս և մարդկանց փոխազդեցումները իրար հետ: Ահա սրանք են Կօնդօրսէի ճանաչած հիմնապայմանները սօցիալական և պատմական էվոլիւցիայի, առհասարակ ընդգրկող պրօգրեսի: Կօնդօրսէն առաջին անգամ զարգացրեց և հիմնաւորեց մարդկութեան պրօգրեսի գաղափարը կամ հասկացողութիւնը իր «Esquisse dun tableau historique des progres de lesprit humain» գրեածքի մէջ: Առհասարակ Կօնդօրսէի աշխարհայեցողութեան մէջ հանդիպում ենք մտքերի և գրութիւնների, որոնք մինչայժմեան պատմական հետազոտութիւններին և մեթօդներին անծանօթ էին, և որոնք յետագայում աւելի զարգացում են ուրիշ մտածողների կողմից: Այդ գրութիւններից մէկն է այն, որ Կօնդօրսէն շեշտեց մասսաների գերը և նշանակութիւնը պատմութեան մէջ, հակառակ այն տեսակէտների, որոնք բացառապէս ուշադրում և նշանակութիւն ու կշիռ էին տալիս անհատներին: Ծիշտ է նկատում նա, որ մինչայժմեան պատմութիւնը եղիլ է ըստ էութեան որոշ մարդկանց, մի շարք անհատների պատմութիւն: Միակողմանիօրէն դիտուում էր միմիայն պատմութեան մի կողմը, մի մասը: Նոյն այդ միակողմանի ըմբռնումն է տիրողը նաև Հեգելի պատմափիլիսօփայական սիստեմում: Նոյն միակողմանի տեսակէտը բաժանում են շատերը նաև յետագայում, ինչպէս և այժմ: Կարլէյլի տեսակէտով պատմութիւնն այլ բան չէ, բայց և թէ առաջնորդ—անհատների, մեծ մարդկանց պատմութիւն, նրանց կենսագրութիւնը:

Կարձ, Կօնդօրսէն իբրև իսկական զաւակը Մեծ Յեղափոխութեան խնամքով շեշտում և ընդգծում է այն, ինչ մոռացութեան էր տրւած—մասսաների գերը և նշանակութիւնը իբրև պատմութեան մղիչ ոյժ, կարեոր ազդակ: Անանուն մասսան է

պատմութեան անիւր շարժում: և նա դարձնում է այդ կենտրոնական կէտը պատմական հետաքրքրութեան: Նրա հետևողական մտածողութիւնը անհրժեշտօրէն զալիս յանդում է պատմական ու թեան, մեխանիքական պատմական ու թեան վրայ: Եւ, յիշուելի, ով խոշոր անանուն մասսաներին դնում է հետաքրքրութեան կենտրոնում, և, միւս կողմից, ժողովուրդների կեանքը իր ամբողջութեան մէջ է դիտում, այն պարագային այն է նկատի առնում, ինչ հաստատուն է, ինչ օրինաշարական է: Ամեն ինչ առաջ է դնում պատմաականութեան սկզբունքով, անհրժեշտօրէն և օրինաշարական: Եւ այդ օրինաշարութեան և անհրաժեշտութեան աշխարհում իշխում են մեխանիքական օրէնքները, և սրանց շնորհիւ են դեկալարուում թէ ժողովուրդները և թէ բնութիւնը: Կօնդօրսէն տարբերողական դիժ չի դնում պատմական պրօցեսի և բնութեան երևոյթի միջև: Եթէ բովանդակ տիեզերական երևոյթները դեկալարուում և պայմանաւորում են բնութեան օրէնքներով, հետևապէս այդ ընդհանուր օրինականութիւնից չի կարող դուրս մնալ պատմական զարգացումը: Պատմական պրօցեսը կազմում է տիեզերական պրօցեսի մի էական բաղկացուցիչ մասնիկը, նրա հետ կապւած, նրանից պայմանաւորւած: Սրանք մտքեր են և գրութիւններ, որոնց տակը կարող է ամեն մի չափաւոր պատմական մատերիալիստ շտորագրել:

Ասացի, որ պատմական իդէալիզմի և մատերիալիզմի միջև եղած այս միջին ձևը, որը անւանեցի սօցիալական—կօլեկտիւիստական կամ պօզիտիւստական, իր սկիզբն առաւ Կօնդօրսէի աշխարհայեցողութեան մէջ: Բայց պօզիտիւլիզմի, իբր դիստական սիստեմի, հիմնադիր համարուում է յայտնի սօցիօլօգ, սօցիօլօգիայի հայր Օգիւստ Կօնտը: Իբրև իրենց նախորդ, Օ. Կօնտը և Սէն—Միսօնը դիտում են Կօնդօրսէին: Օգիւստ Կօնտը իր գլխաւոր աշխատութեան—„cours de philosophie positive“ մէջ տալիս է պատմափիլիսօփայութեան հիմնադրերը: Կօնտը ևս, ինչպէս Կօնդօրսէն, միայն աւելի շեշտւած և ինտենսիւ, եղում է հասարակական կեանքի պայմանների անալիզից, և սա նրա սօցիօլօգիայի սօցիալական ստատիկն է: Մարդկային ընդունակութիւնները, բնութեան ազդեցութիւնները և կուլտուրական տարբերը, ինչ տեսանք Կօնդօրսէի սիստեմում,—կազմում են զարգացման գործօնները: Ուրեմն երկու տեսակի գործօններ—մարդկային ընդունակութիւններ և միջավայր: Բայց Կօնտի համար

գլխաւոր հարցն այն է, թէ՞ որն է այս գործօններից վնասական և որոշիչ ներգործութիւն ունենում հասարակական էվօլիցիայի մէջ: Նա այդ հարցը լուծում է յօգուտ առաջին գործօնին, այսինքն, մարդկային ընդունակութիւններին, իսկ սրանցից էլ առանձնապէս ինտելիգենցի, իմացաբանութեան վրայ կանգ առնում: Կօնտի համար սօցիալական բովանդակ զարգացումն իր հիմքում ոչ այլ ինչ է, բայց եթէ պարզ զարգացումը մարդկային ինտելեկտի և մտքի ստեղծագործութեան: Դիտելով տիեզերական պատմութիւնը, Կօնտը գտել է, որ պատմութիւնը անցնում է երեք աստիճաններով և, որ գլխաւորն է, ամեն մի աստիճանի վրայ բոլոր սօցիալական յարաբերութիւնները և կրօնական, էթիքական, էսթետիքական արժէքները համաձայն մտածելի կերպարանափոխւում են: Նոյնպէս և գիտութեան բոլոր ճիւղերի մեթօդը փոխւում է համաձայն այդ մտածելին: Միտքը անցնում է զարգացման երեք աստիճաններով— աստղածափանկան կամ ֆիկտիւ, մետաֆիզիկ կամ վերացական և գիտական կամ դրական (պօզիտիւ): Այս երեք աստիճաններից իւրաքանչիւրը համապատասխանում է հետադասութեան մի առանձին մեթօդի: Առաջինը մտածելու ելակէտն է, երրորդը վերջնական և շարունակող տեսակէտը, իսկ երկրորդը՝ անցողական է: Աստղածափանկան ըմբռնումն ընդունում է արսօլիւտ, բացարձակ իմացականութան կարելիութիւնը: Նա ուղղում է իր հետազօտութիւնը իրի ներքին էութեանը, վերջնական պատճառին, հետևապէս երևոյթներին նպատակին: Նա գիտում է երևոյթներն աւելի կամ պակաս չափով գերբնական ոյժերով, և այսպիսով մօտենում է մետաֆիզիկ մտածողութեան: Դրական աստիճանի վերայ արդէն գիտակցում է բացարձակ իմացականութեան անկարելիութիւնը: Առաջին, աստղածափանկան շրջանում իշխում է արսօլիւտիզմը, մետաֆիզիկ կամ վերացական աստիճանի վրայ տիրող պետական կազմակերպութիւն է ֆէօդալական, աստաւական սիստեմը, միջին դարի պէսպիսի անցողական պետական ձևերը, որոնք յամենայն դէպս կրում են ֆէօդալական բնաւորութիւն. երրորդ աստիճանի վրայ արդէն գիտական, ժամանակակից քաղաքականութիւնն է և ինդուստրիան, խոշոր արդիւնաբերութիւնը:

Ան Կօնտի տեսակէտը: Նա, ինչպէս տեսնում էք, մատերալիստ չէ: Դեռ աւելին. նրան աւելի շուտ իդէալիստական պատմահայեցողութեանը մօտիկ կանգնած կարելի է համարել, քան

թէ պատմական մատերիալիզմին: Ճիշտ է, Կօնտի սօցիօլօգիայի մէջ բիօլօգիական—մատերիալիստական կողմը կայ, բայց նա երբէք չէ ձգտում սօցիալական երևոյթները միմիայն բիօլօգիական տեսակէտով բացատրել. նա անգամ խիստ դէմ է կամարկի այս տեսակէտից արած հետևողութիւններին: Բիօլօգիական գործօններից զատ, որոնք մարդու անասնական կողմն են որոշում միայն, սօցիալական երևոյթների սահմանում երևան են գալիս, և կան, վերև յիշած գործօնները: Ինչպէս Կօնտօրսէն, նոյնպէս և Կօնտը, կանգնած է կօլեկտիւիստական տեսակէտի վրայ: Այդ հիմնատեսակէտից ելնելով, Կօնտը բնականօրէն շեշտում և նշանակու թիւն է տալիս ոչ թէ անհատական, այլ սօցիալ-հոգեբանութեանը, սօցիալ-հոգեբանական մօտիւններին: Անհատական ազդեցումները պատմութեան մէջ Կօնտի համար ունեն առառակ երկրորդական նշանակութիւն: Կօնտի տեսակէտով ոչ մի անհատական ոյժ չի կարող պատմութեան օրինական ընթացքը և պայմանները փոփոխել, անգամ հանձարի ոյժից վեր է այդ. աչդ անմիջական կերպով կախած է իր ժամանակի սօցիալական կացութիւնից և պայմաններից: Ըստ Կօնտի անհատները երևում են պատմութեան մէջ իբրև օրգաններ մի շարժման:

Կօնտի պօզիտիւիզմը ունեցաւ մի շարք հետևորդներ: Դրանց շարքում առաջին տեղերից մէկը բռնում է անգլիացի յայտնի գրող Հենրի Թոմաս Բօկլը (1821—1862): Սա ևս կանգնած է մեծ մասում բիօլօգիական-բնագիտական տեսակէտի վրայ, այս տեսակէտից է նայում պատմութեան և սօցիօլօգիայի վրայ: Բայց սրա սօցիօլօգիան և պատմահայեցողութիւնը չունի այն լայն բազիսը, ինչ մենք տեսանք Կօնտի սօցիօլօգիական և պատմափիլիսօփայական սիստեմի մէջ: Բօկլը կուլտուրական տարրերը չի ընդունում: Նրա համար կան երկու գլխաւոր գործօններ—մարդու հոգին և բնութիւն: Սրա մօտ էլ մարդու հոգեկան յատկութիւններից իմացականութիւնն, ինտելեկտն է գերակշռողը: Բայց, ինչպէս ըստ Կօնտի, նոյնպէս և ըստ Բօկլի, մարդը յամենայն դէպս կախած է, պատմական ընթացքն ազդում է մարդու հոգու վրայ:

Մենք տեսնում ենք Կօնտի միակողմանի ըմբռնողութիւնը էլ աւելի չափազանցացրած ձևի մէջ Բօկլի մօտ: Սրանք ոչ մի տեղ չեն տալիս մարդկային հոգու միւս ոյժերին, օրինակ, զգացումներին, կամաարտայայտութիւններին ելն. նրանք միայն շեշտում են ինտելեկտի վրայ, ընդունելով այն որոշիչ ֆակտոր

պատմական զարգացման: Ուրեմն, եթէ մենք ուզում ենք պատմութեան օրէնքները գտնել, պիտի սովորենք և ուսումնասիրենք Խնտելեկտի օրէնքները: Պատմութեան և Խնտելեկտի օրէնքները իրար դուգադիպում, իրար ծածկում են: Այս է գոնէ Կօնտի հիմնատեսակէտի տրամաբանական հետևութիւնը:

Նոյն այդ սօցիալական—կօլեկտիւիստական և պատմութեան բիօլօգիական-ընագիտական տեսակէտի վրայ են կանգնած մի շարք նշանաւոր սօցիօլոգներ և փիլիսօփաներ, ինչպէս Սպենսէր, Լէլինֆէլդ, Շէֆֆլէ, Վօրմս, ևլն: Կարլ Լամպրէխտը, ժամանակակից շատ յայտնի և շատ կարգացեալ պատմաբանը Գերմանիայում, նոյնպէս մի շեշտած պօզիտիւիստական և կօլեկտիւիստական տեսակէտ է ներկայացնում: Նկատեմ, որ նա անհատական հոգեբանութեանը տեղ է տալիս: Մտածողների առաջին շարքը, ղեկավարելով բիօլօգիական տեսակէտներով, դիտում է մարդկային հասարակութիւնը իրր օրգանիզմ, և, ելնելով այս անաջող անալօգիայից, մշակում է մի օրգանական—հասարակական թէօրիս:

Այդ տեսակէտին նոր նեցուկներ և հաստատուն հիմնաւորումն է գալիս տալու դարվինիզմը, դարվինիան թէօրիսն: Այս թէօրիան գալիս է էլ աւելի շեշտելու բնագիտական-բիօլօգիական տեսակէտը. նա միաժամանակ ամենազօրեղ կերպով շեշտեց և դբաւ կերպարանափոխումի, էվօլիւցիայի սկզբունքը: Դարվինեան բնագիտական պրոպրտումները կիրառւում են ոչ միայն այդ դիտութեան սահմանում, այլ և հասարակագիտութիւնների մէջ: Գոյութեան կոլի, ժառանգականութեան, բնական ընտրութեան և յարմարումի սկզբունքները գտնում են կիրառումն կուլտուրայի մէջ:

Դարվինիզմը ասեց, ուրեմն, այդ բնագիտական-բիօլօգիական ուղղութեան, որը սկսել էր Սպենսէրով, Շէֆֆլէով, ևլն, վերջին խօսքը: Եւ եթէ ուզենանք պարզ և հետեոյական ձևով ձևակերպել նրա հիմնասկզբունքը, այն ժամանակ պիտի ասել, որ բնական պրօցեսները միաժամանակ սօցիալական պրօցեսներ են: Այստեղ շփոթւում են երկու տարբեր հասկացողութիւններ և մօմենտներ—բնագիտական և սօցիալական: Նրանք մոռանում էին մի շատ էական հանգամանք և գիտական փաստ, որ անկտրելի է, և դա բռնազբօսիկ և ոչ-գիտական է, բնագիտական օրէնքները առանց այլևայլութեան կիրառել պատմական-սօցիալական երևոյթների՝ իբր մարդկանց գործողութիւնների վրայ: Բնու-

թիւն, բիօլօգիա և հասարակութիւն տարբեր բաներ են: Հասարակութիւնները և մարդիկ, ըստ իրենց էութեան, նպատակազրոյ էութիւններ են, և նրանք, իբր այդպիսիները, պատկանում են ոչ թէ բնագիտական - մեխանիքական, այլ սօցիալ - պատմական և հոգեբանական պատճառականութեան, և սրանք կարող են միմիայն սօցիալ - պատմականօրէն և հոգեբանօրէն բացատրել և ճանաչել: Ահա այս հիմնական պարագան մոռացութեան են տալիս բնագիտական - մեխանիքական պատճառականութեան տեսակէտի վրայ կանգնած բոլոր սօցիօլոգ - բնագէտ - փիլիսօփաները: Արքէն Միլլը և Սպենսէրը որոշապէս շեշտում են հոգեբանութեան վրայ. նրանք ճանաչում են հոգեկան գործօնների դերը: Իօրզը այդ էլ աւելի ընդգծեց: Սօցիօլօգիան անհասկանալի է առանց դրան: Սօցիօլօգը չի կարող արժանի ուշադրութիւն չը դարձնել երևոյթների զուտ հասարակական կողմի վրայ: Այս մի կողմից, միւս կողմից անկարելի է առանց այլևայլութեան անգութ «գոյութեան կուլի» սկզբունքը փոխանցել հասարակական շարժումների վրայ: Մարդկային հասարակութեան մէջ, նոյնը կենդանական աշխարհում, «գոյութեան կուլի» կողքին գոյութիւն ունի նաև, նոյնքան զօրեղ և հզօր, «փոխադարձ օգնութեան», սիմպատիայի սկզբունքը: Եւ այս սկզբունքը խիստ յուժկու դեր է խաղում մարդկային հասարակութեան մէջ, նա է տիրապետողը: Դեռ չեմ շեշտում էթիքական, կրօնական և սօցիալ - հոգեբանական մօմենտները: Այն պէս որ, չի կարելի հանդուրժել անսահման կօնկուրենցիայի սկզբունքը, որը կազմում էր մանչեստրական հայեցողութեան հիմնական միտքը:

Բայց չը ծանրանանք այս կէտի վրայ: Մենք կը վերագտնանք այդ հարցին—առանձնապէս բնագիտական - մեխանիքական պատճառականութեան - մի առանձին զլխում:

Անցնենք մատերիալիստական պատմափիլիսօփայութեան նկարագրին:

VI.

Մատերիալիստական պատմափիլիսոփայութիւնը.— Մարքս— Էնգելսը— Կոմմունիստական մանիֆէստը.— անտեսութիւնը իրր հիմնական գործօն.— սոստատիկ.— արդիւնաբերական ձեւերը.— զիւնամիկ:

Այժմ դառնում եմ պատմական մատերիալիզմին, պատմութեան մատերիալիստական ըմբռնողութեանը: Իս Մարքսի պատմական - սոցիոլոգիական և փիլիսոփայական վարդապետութիւնն է: Այս մատերիալիստական պատմափիլիսոփայութիւնը անմիջական զարգացումն է սոցիալական - կօլեկտիւիստական կամ պօզիտիւիստական թէօրիայի, որի նկարագիրը աւինք վերևում. սա դիտւում է միաժամանակ իրրև մի բէակցիա պատմական իդէալիզմի դէմ:

Մարքսի (և Էնգելսի) պատմափիլիսոփայութիւնը, առհասարակ պատմա - սոցիոլոգիական և քաղաքատնտեսական թէօրիան, անմիջական ծնունդ է XIX դարի քառասնական - յիսունական թւերի: Մարքս - Էնգելսի առաջին ծրագիր - գրւածքի— «Կոմմունիստական մանիֆէստի»-մէջ մենք տեսնում ենք երևան բերւած և խնամքով ձեակերպւած պատմական մատերալիզմի հիմնամտքերը և կարևորագոյն զրութիւնները: Այս նոյն հիմնամտքերը յետագայում զարգացնում, ընդարձակում և հիմնաւորում են մարքսեան վարդապետութեան մի շարք հետեորդները, որոնցից առանձնապէս պիտի յիշատակել Կառլցկո՛ւ անունը, որը իրաւամբ համարւում է մարքսիան աւանդութիւնների տաղանդաւոր աւանդապահը: Նա միաժամանակ ամենատաղանդաւոր և խոշոր թէօրեմտիկն է եղել, է և այժմ: Բայց շտապում եմ աւելացնել, որ ոչ Մարքսը, ոչ էլ Էնգելսը, ոչ Կառլցկին և ոչ էլ մի

այլ մարքսիստ մի սիտեմի մէջ չի ամփոփել և զարգացրել պատմական մատերիալիզմը: Մա կրում է աւելի շուտ հատւածական բնաւորութիւն: Պատմական մատերիալիզմի հիմնաթէզերը տրււած են զանազան ձևերի մէջ իրր բեկորներ, զատ - զատ մտքերի, պնդումների, յայտարարութիւնների և ֆօրմուլաների ձևերի մէջ, մատերիալիստական - մարքսիստական գրականութեան մէջ, եւ «Կոմմունիստական մանիֆէստում», և՛ Մարքսի «Zur Kritik der politischen Oekonomie» ու «Kapital» աշխատութիւններում, և Էնգելսի «Eugen Dürings Umwälzung»...ում և Բերելի, և Կառլցկո՛ւ մի շարք գրւածքներում սփռւած են պատմական մատերիալիզմի հիմնական մտքերը և զրութիւնները:

Բայց ինչն է կազմում մատերիալիստական պատմափիլիսոփայութեան հիմունքը, նրա հիմնաքարը, որն հիմնական և սկզբնական պատճառը է վօլիւցիայի, կարճ, պատմական պրօցեսի և զարգացման primum movens-ը:

Իս անտեսութիւնն է, անտեսական—նիւթական գործօնը:

Այսպէս է բանաձևւում Մարքսը իր հիմնաթէզը. «արդիւնաբերական յարաբերութիւնների ամբողջութիւնն է կազմում հասարակութեան անտեսական սարուկաւորան, բէալ բաղիսը, որի վրայ բարձրանում է իրաւաբանական և քաղաքական վերնաշէնքը և որին համապատասխանում են հասարակական գիտակցութեան որոշակի ձևերը: Նիւթական կեանքի արտադրութեան եղանակն է ընդհանրապէս պայմանաւորում կեանքի սօցիալական, քաղաքական և հոգևոր պրօցեսը: Այ թէ՛ մարդկանց գիտակցութիւնն է որոշում նրանց կացութիւնը, այլ, ընդհակառակը, նըրանց հասարակական կացութիւնն է, որ որոշում է նրանց գիտակցութիւնը»:

Ուրեմն պատմութիւնը շարժող ոյժը համարւում է էկօնօմիկան, անտեսութիւնը: Մի ժողովրդի անտեսական կեանքով են պայմանաւորւում նրա բովանդակ հասարակական կեանքը, իրաւական նօրմերը, փիլիսոփայական և կրօնական ըմբռնումները, գրական - գեղարւեստական արտադրութիւնները, կարճ, ամբողջ է վօլիւցիան: Այս բոլորը կազմում է հասարակական կառուցւածքի «վերնաշէնքը», այն սանդուխքները, որոնք հանգչում են հաստատուն, կայուն «հիմնաշէնքի» վրայ, «անտեսական սարուկատուրայի», «բէալ բաղիսի» վրայ: Այս Մարքս - Էնգելսի սօցիալական ստատիկան է, հասարակական ոյժերի քաղաքումը, ան-

շարժութիւնը, կայունութիւնը, ի հարկէ, ոչ արսուլիւտ հասկացողութեամբ վերցրած:

Բայց այսպէս չի շարունակուում: Իրենց զարգացման մի որոշ աստիճանի վրայ հասարակութեան նիւթական արտադրողական ոյժերը ընկնում են հակասութեան, ժխտումի մէջ գոյութիւն ունեցող արդիւնաբերական յարաբերութիւններին հետ: Արտադրողական ոյժերի զարգացման ձեւերի շնորհիւ տապալուում, կերպարանափոխուում են այս յարաբերութիւնները: Եւ այսպիսով առաջ է գալիս սօցիալական յեղափոխութեան էպօխան: Սկսում է շարժումը, կերպարանափոխումի պրօցեսը: Փոխում է «սնտեսական ստրուկտուրան», «բէալ բազիսը»: Հետևապէս հսկայական կառուցւածքի հիմնաքարի, «հիմնաշէնքի» փոփոխումի հետ անհրաժեշտօրէն յեղաշրջում, ձևափոխուում է նոյնպէս անազին, մի շարք սանդուխքներից կազմւած «վերնաշէնքը» — քաղաքական, իրաւունքի, ի դէօլօգիական ձեւերը: Այս էլ Մարքսի սօցիօլօգիայի, պատմափիլիսօփայութեան սօցիալական դիւնամիկն է: Արդիւնաբերական ձեւերը անընդհատ շարժման, կերպարանափոխման մէջ են. նրանք իրարյաւէտ վերապրում են: Եւ արդիւնաբերական մի նոր ձևին համապատասխանում է զիտութեան մի նոր, առանձին ձև: Դա դիալեկտիկական մեթօդն է, Հեգելի «բացասումն բացասման» սկզբունքը, որ Մարքսը կիրառել է իր թէօրիայի մէջ: Արդիւնաբերական ոյժերը և հասարակական յարաբերութիւնները գտնուում են բացասումի, կերպարանափոխումի մէջ: Գիտակցութեան գերագոյն ձեւերն անգամ, ինչպէս և փիլիսօփայութիւնը, կախւած են այդ սնտեսական պրօցեսի փոփոխութիւններից: Արդիւնաբերական ոյժերի և եղանակների փոփոխումի հետ անպայմանօրէն և անհրաժեշտօրէն փոփոխուում են նաև գիտակցութեան ձեւերը: Եւ Մարքսի սօցիալական դիւնամիկը, հասարակութեան շարժումը, ինչպէս վերին էլ յիշատակեցի, հիմնում է այդ հակասութեան սկզբունքի վրայ, հակասութիւնների, հակասական գրութիւնների զարգացման վրայ: «Բացասումն բացասման» Հեգելեան այս հակասութիւնը ծառայում է Մարքսի համար իբր թոփշքի ազդեր իւր դիալեկտիկայի: Այդ հակասութեան սկզբունքով է նա մեկնում մինչայժմեան զարգացումը, սեփականութեան ձեւերը: Սկզբում իշխում էր կօմմունիստական արդիւնաբերութիւնը, սրան հետևում է նրա հակադրութիւնը, այսինքն մասնաւոր սեփականութիւնը: Այս ձևն ևս

կերպարանափոխուում է բնահրաժեշտօրէն հենց իւր իմամանս, սեփական ոյժի, անխուսափելի դիալեկտիկայի շնորհիւ: Եւ ինքն կրում է իր մէջ միաժամանակ իր բացասումը, իր տրսամազօրէն հակադիր գրութիւնը: Եւ այսպէս շարունակում է «բացասումը»: Ժամանակակից կապիտալիստական արդիւնաբերութիւնից առջանալու է անպայմանօրէն իր հակասութիւնը: Նոյն սկզբունքը ամբողջ հասարակական պրօցեսի մէջ իշխող: Մենք գալիս կաննում ենք այժմ դասակարգային հակադրութեան առաջ. այժմ հարց է ծագում, ո՞րն է այն ոյժը, որը ներկայանում է իբր բէալ մղիչ այդ շարժման հասարակութեան մէջ, իբր պատճառ պրօցեսի: Դա դասակարգային հակադրութիւնն է, անտազօնիզմը: Առանց հակադրութեան չը կայ առաջադիմութիւն, ստում է մարքսեան մատօղութիւնը: Եւ խթան է առաջադիմութեան: Ինչպէս արդիւնաբերութեան ձեւերը, նոյնպէս և դասակարգերը դիալեկտիկայի օրէնքով յաջորդում են իրար: Դասակարգային կռիւն է միակ մղիչ — շարժիչ ոյժը ամբողջ շարժման, սօցիալական դիւնամիկի: Մարքսը մարդկութեան բովանդակ պատմութիւնը որակում է իբր դասակարգերի պատմութիւն: Ահա ինչպիսի տեղ է տալիս դասակարգերին:

Դառնում եմ կ. Մարքսի պատմահայեցողութեան, նրա փիլիսօփայութեան մի այլ հիմնակէտին, որն արդէն մինչայժմեան լուստարանութիւնից որոշ չափով պարզ է — դա բնական իրերի ընթացքի, աւելի պարզ, մեխանիքական պատճառականութեան և անհրաժեշտութեան պրօբլէմն է, ինչ տեսանք Կօնդօրսէի և ուրիշների թէօրիաների մէջ: Ամբողջ բնութեան երևոյթների մէջ իշխում է պատճառականութեան և անհրաժեշտութեան սկզբունքը: Պատմական պրօցեսը կազմում է բնական պրօցեսի մի մասը, հետևապէս պատմական և սօցիալական պրօցեսում ևս տիրում է պատճառականութեան և անհրաժեշտութեան երկաթեայ օրէնքը: Ոչ մի երևոյթ, և՛ սօցիալական, և՛ հոգեբանական — անհատական և սօցիալական, և՛ պատմական, դուրս չէ մնում այդ հիմնական օրէնքի սահմաններից. բոլորի վրայ նա անպայմանօրէն տարածում է: Այն ամենը, ինչ կատարում է աշխարհում, տեղի է ունենում արդիւնաբերական ոյժերի, սնտեսութեան իր մէջ կրած զրգման, շարժիչ ոյժի շնորհիւ, և այն անհրաժեշտօրէն, պատճառականօրէն և օրինաչափօրէն: Ամբողջ էվօլիցիան, պատմական ընթացքը պատճառականօրէն պայմանաւորւած է, ուղին օրինաչափօրէն ընդգծւած: Եւ

այդ ընդգրկող հասարակական պատմական պրոցեսում որոշիչ դեր է խաղում բացառապէս տնտեսական ստրուկտուրան, էկոնոմիկան. իսկ իդէօլոգիան, «վերնաշէնքի» բոլոր աստիճանները, գիտակցութեան ամենաբարձր ձեւերն անգամ, և՛ մօրալ, և՛ կրօն, և՛ փիլիսոփայութիւն, և՛ իրաւունք, ոչ մի վճռական դեր չի խաղում պատմական էվօլիւցիայի ընթացքում: Իրերը իրենց ընական, սուբերաֆօմ ուղիւ՛ ընթանում են առաջ հանգիստ, օրինաչափօրէն. նա եղակի տեղ է տալիս ընադիտական—մեխանիքական մօտիւների, բայց երբէք պատմական—սօցիալական:

Գիտակցութիւնը, և այդ գիտակցութիւնը և՛ կամեցողութիւնը ընդգրկող մարդ—անհատը, ոչ մի էական ազդեցութիւն չի ունենում պատմական պրոցեսի վրայ: Անհատական կամեցողութիւնն ըստ Մարքսի աւելի քան երկրորդական տեղ է բռնում և չի ներկայանում իբր մղիչ—շարժիչ ոյժ, ներազդող ազդակ էվօլիւցիայի: Մարքսը բացասում, և եթէ հիմնօրէն, բացարձակապէս չի բացւում, նա տալիս է խիստ աննշան, երկրորդական տեղ անհատին: Կարլ Մարքս, և սոհասարակ պատմական մատերիալիստները ճանաչում են միայն կօլեկտիւ կամեցողութիւնը, և ոչ թէ անհատական: Սա դիտում է իբր առաջնակարգ և զօրաւոր առաջ—մղիչ գործօն: Մասսաներն են որոշիչ դեր խաղում պատմութեան, դարգացան մէջ և ոչ թէ անհատ—առաջնորդները:

Բայց այստեղ չը ծանրանանք մանրամասնօրէն այս կէտի, կօլեկտիւ և անհատական կամեցողութեան, ինչպէս և բնագիտ—մեխանիքական ու սօցիալ-պատմական պատճառականութեան վրայ: Այս երկու խիստ կարեւոր, իրար էպպէս և ներքնապէս սերտ կապած, հարցերի մանրազննին լուստրանութեանը կը վերադառնամ մի առանձին գլխում:

Այժմ, երբ արդէն պարզ է մեզ մատերալիստական պատմափիլիսոփայութեան ընդհանուր պատկերը, նրա հիմնադեղը, կարելի է անցնել նրա ընդհանուր քննադատութեանը, առնձնապէս Մարքս—էնգելսեան պատմահայեցողութեանը, և ոչ թէ այն դրութիւններին, որոնք ընդհանուր են նաև միւս պատմական ըմբռնողութիւնների հանար:

VII.

Քննադատութիւն.— XIX դարի կէսերը.— Մարքսը իր շրջանի ծնունդ.— երկու կարեւոր մօմենտներ.— մասնագէտի հոգեբանական կողմը.— Մարքս մասնագէտ—միակողմանիութիւնը.— նախնի շեփորը—(էնգելս)—Կաուցկի—Բերնշտայն:

Մարքսիստական պատմափիլիսոփայութեան թերի կողմերը և անձնութիւնները աւելի ցայտուն և պարզ կացուցանելու համար, անհրաժեշտ է, նախքան ընդհանուր քննադատութեանն անցնելը, ուրազծել այն սօցիալական և քաղաքական—տնտեսական պայմանները ու յարաբերութիւնները, որոնց անմիջական ազդեցութեան տակ ծնունդ առաւ առհասարակ Մարքս—էնգելսի սօցիօլօգիական և փիլիսոփայական աշխարհայեցողութիւնը:

Մարքս—էնգելսի առաջին ծագիր—գրւածքը —, Կօմմունիստական մանիֆէստը.— լոյս է տեսնում, ինչպէս վերին էլի յիշատակել եմ, XIX դարի յիսունական թւերին: Կարլ Մարքսը ի դարի հարազատ զաւակն էր XIX դարի, և կրում էր իր դարի, առանձնապէս իր շրջանի առանձնայատուկ և բնորոշիչ դրօշմը:

XIX դարը տեխնիկայի դարն էր. տեխնիքական զարգացումը ապշեցուցիչ տեմպով և արագութեամբ ծաւալում էր և խորանում, մանաւանդ այնտեղ, ուր Կ. Մարքսն էր ապրում, Անգլիայում և մասամբ Գերմանիայում: Ինդուստրիան, խոշոր ալգիւնաբերական տնտեսութիւնը տօնում էր իր յաղթանակը. նրա զարգացումը ստացել էր անօրինակ չափեր: Կապիտալը տիրականօրէն թագաւորում էր: Տնտեսութեան, տնտեսական գործօ-

նը իրը առաջ—մղիչ ուժ հասարակական էլօլիցիայի ամենուրեք իր կօնկրես ձևի մէջ աչքի էր դարնում: Միւս կողմից երևան էր եկել դասակարգային հարցը սպառնալիորէն. նա արագ կերպով, օր-աւուր աւելի ու աւելի զարգանում, տարածում և սրում էր: Դասակարգերը, իրը կազմակերպւած բանակներ, ծառայած էին դէմ առ դէմ: Բուրժուական, խոշոր արդիւնաբերական դասակարգն էր գրութեան տէրը: Բայց վեհօրէն բարձրանում և աճում էր պրօլետարիատը, վարձու բանւորութիւնը, չորրորդ դասակարգը, որը կրում էր իր մէջ սօցիալիստական հասարակարգը և սպառնում էր կառուցել այդ հասարակակարգը բուրժուական հասարակակարգի փլատակների վրայ: Դրանք բուրժուալիայի «գերեզմանափորերն» են:

Ահա այսպիսի սօցիալ-տնտեսական և քաղաքական կեանքի բովումն էր ապրում, շնչում և դործում Մարքսը և հէնց այդ պայմանների անմիջական ազդեցութեան տակ էլ յօրինում իր վարդապետութիւնը: Հետևապէս օտարոտի չէր լինի, եթէ վերջինս կրէր առանձնապէս այդ շրջանին յատուկ դրօշմը և գունաւորումը: Եւ այդպէս էլ է: Դարաշրջանի բնորոշ միակողմանիութիւնը ամբողջապէս արտացոլել է Մարքսի սօցիօլօգիական և փիլիսօփայական, հետևապէս նաև պատմափիլիսօփայական թէօրիայի մէջ: Երկու մօմենտ, յիշուի, խիստ վճռական, որոշիչ և ճակատագրական դեր են խաղացել Մարքսի պատմական մատերիալիզմի յօրինման գործում: Առաջին մօմենտն արդէն մասամբ ստեղծած էր Մարքսի դարաշրջանի հիմքում: Դա էպօխային յատուկ պայմանների գումարն է, որն այնպէս ցայտուն կերպով երևան է գալիս մարքսեան տեսութեան մէջ: Այդ առաջին մօմենտը էլ աւելի կամրոջմանայ և ըլլիեֆ կը դառնայ եթէ աւելացնենք մի ոչ պակաս էական և հետաքրքրական հանգամանք, այն, որ Մարքսը ուսումնասիրել է մանրամասնօրէն և դետալօրէն միմիայն այդ շրջանի պատմութիւնը, և միմիայն այդ դարի ուսումնասիրութեան, այդ շրջանից հանած հետևութեան և ապացուցութեան վրայ է հիմնել իր ընդհանրացումների գումարը, իր պատմական մատերիալիզմը: Այս բանը խոստովանում է նաև Կառուցիկին:

Սա առաջին մօմենտն է, առաջին պարագան: Բայց երկրորդ մօմենտը էլ աւելի ուշագրաւ է և հետաքրքրական: Այս մօմենտը հոգեբանական է, անհատական հոգեբանական բրնոյթ կրող: Այս գտնուում է հէնց իրեն, Մարքսի անձնաւորու-

թեան մէջ: Մարքսը, ինչպէս զիտէք, տնտեսագէտ էր. նրա մասնագիտութիւնն էր տնտեսագիտութիւնը: Մարքսը ևս ընկաւ այն ընդհանուր սխալանքի մէջ, որից զերծ չեն առհասարակ բոլոր մասնագէտն երբ. դա սպեցիալ, մասնագիտօրէն հետազոտողի սխալանքն է: Մասնագէտը միշտ էլ տրամադիր է մեծ, վճռական տեղ տալ իր մասնագիտութեանը. նա գերազանցում է իր գիտութիւնը, այն գործօնը, որի լուսարանութեամբ է զբաղւած, այդ միշտ էլ անհամեմատ աւելի մեծ և զօրաւոր է երևում նրան, քան իրականապէս կայ: Այս պրօցեսը կատարւում է առհասարակ անզգալիօրէն, անդիտակցաբար: Դա մասնագէտի հոգեբանութեան խիստ բնորոշ և շեշտւած կողմն է: Ահա այն մօմենտները և հանգամանքները, որոնք ստեղծել են մարքսիստական սօցիօլօգիական և պատմափիլիսօփայական թէօրիայի շեշտւած միակողմանիութիւնը: Եւ այդպիսի մտածողները չեն կարող գոհացուցիչ կերպով լուծել տիեզերական առեղծաձի հանգոյցները, կնճոտ պրօբլէմները: Դրա հիմքում միշտ էլ արւած է միակողմանիութիւնը, միակողմանի մտածողութիւնը:

Այդ միակողմանիութիւնն այնքան ցայտուն և աչք ծակող էր, որ չէր կարող անգամ մարքսիզմի հետևորդների նկատողութիւնից վրիպել: Ինքն Կառուցիկին, մարքսիստական աւանդութիւնների տաղանդաւոր աւանդապահն անգամ խոստովանւում և շեշտում է այդ միակողմանիութիւնը: Մարքսը մատերիալիստական պատմահայեցողութիւնը դուրս է բերել բուրժուական հասարակութեան հետազօտութիւնից, ասում է Կառուցիկի: Իսկ էնգելսը, պատմական մատերիալիզմի միւս տաղանդաւոր հիմնադիրը, որը ոչ նւազ արժէքով բարձրանում է Կ. Մարքսի կողքին, ասում է իր խօսքը էլ աւելի վճռականօրէն, էլ աւելի որոշ և անվերապահ: Նա ապրեց աւելի, քան Մարքսը: Էնգելսն ապրեց հոգու ամբողջ խորութեամբ մի շարք անախորժ անակնկալներ, յուսախաբումներ և հիասթափումներ, որը նա բարեբախտաբար թէ դժբախտաբար չը բաժանեց Մարքսի հետ: Այդ յուսախաբումներն և հիասթափումները յեղաշրջում առաջ բերին էնգելսի մտածելակերպի մէջ: Եւ նա շտապում է սրբագրել, ուղղել շատ մտքեր, ինչպէս և տնտեսական գործօնին վերագրւած այն բացառիկ նշանակութիւնը: «Եթէ մեր հակառակորդները,—յայտնում է նա բացօրոշ իր մի նամակում (գրւած 1890 թ. և տպւած «Soz Akademiker»-ում, հոկտեմբեր, 1895),— երբեմն աւելի նշ-

շանակութիւնն են վերագրում անտեսական կողմին, դրանում Մարքսն և ես եմ մեղաւոր: Մենք ստիպւած էինք մեր հակառակորդներին վերաբերմամբ շեշտել այս հիմնական սկզբունքը, որը նրանք մերժում էին, բայց ժամանակը, տեղը և պարագաները միշտ էլ թոյլ չէին տալ իսհարկաւ ուր չափով ուշադրութիւն դարձնել փոխադրեցութեանը մասնակցող միւս գործօնների վրայ»: Դեռ աւելին: Սոց. դեմոկրատիայի այդ մեծ թէօրեակեր նոյն թւին դրած մի այլ նամակում նկատում է. — «Կուր արտացոլումը՝ նրան մասնակցողների ուղեղներում՝ իբր քաղաքական, իրաւական և փիլիսոփայական թէօրեաներ, ինչպէս և կրօնական հայեացքներ, որոնք զարգանալով դառնում են որոշ դաւանական սխտեմներ. — ահա այս բոլոր մօմենտները իրենց հերթին ազդում են պատմական կուրի ընթացքի վրայ և շատ պարտզանքում գիտաւորապէս որոշում նրա ձևը (vorwiegend deren Form bestimmen).» Բաղաճական, իրաւական, փիլիսոփայական, կրօնական, գեղարւեստական և գրական զարգացումը հանգչում է անտեսութեան վրայ, բայց սրանք բոլորը հակադրում են իրար, ինչպէս և նրան տեսական բազիսի վրայ»:

Այստեղ, ինչպէս տեսնում էք, փաստապէս շեշտում է իր տակցոնութեան և անտեսական ստրուկտուրայի կամ, այլ ձևով արտայայտած, իդէօլոգիայի և էկօնօմիկայի փոխազդեցոնութիւնը կամ Ֆոննիցիօնէլ կախումը ըստ էմպիրիօ-կրիտիցիզմի տերմինօլոգիայի: Այսպիսով մօտենում ենք Մարքսի «հիմնաշէնք» և «վերնաշէնք» հասկացութիւններին: Մարքսը, ինչպէս վերին էլ առիթ ունեցայ շեշտելու, զրաղւել է մանրամասնօրէն միմիայն «հիմնաշէնքի», անտեսական ստրուկտուրայի ուսումնասիրութեամբ, այն էլ բացառապէս իր դարաշրջանում: Բայց նա ժամանակ, հնարաւորութիւն, գուցէ և ցանկութիւն չէ ունեցել—քանի որ նա տալիս էր սրան երկրորդական տեղ—զրաղւելու «վերնաշէնքով», իդէօլոգիայի ուսումնասիրութեամբ: Նա անգամ չի ձևակերպել որոշակի կերպով «հիմնաշէնքի» և «վերնաշէնքի», ասել է «գիտակցութեան» և անտեսութեան» յարաբերութեան հարցը: Այս բանը Մարքսի սխտեմում շատ մութն է և անորոշ: Թէև նա առհասարակ անհնարին է համարում փոխազդեցութիւն «հիմնաշէնքի», անտեսական ստրուկտուրայի» և «վերնաշէնքի», «գիտակցութեան ձևերի» — իրաւունքի, մօրալի, փիլիսոփայութեան, գեղարւեստի, կրօնի—միջև:

Եթէ ճիշտ է այս, միւս կողմէց եթէ ճիշտ է միաժամանակ և այն, թէ իրաւունքի, մօրալի փիլիսոփայութեան, կրօնի և գրականութեան զարգացումները հետևում են անտեսական զարգացման կորագծին, առանց սրանք ևս էապէս ազդելու, այն ժամանակ մնում է մի կտրուկ հանգամանք միանգամայն անբնական, այն, թէ ինչի շնորհիւ են անտեսական կեանքի կերպարափոխումներն տեղի ունենում, այն կերպարանափոխումները, որոնց մասին երկարօրէն խօսեցի պատմական մատերալիզմի նրկարագիրը տալիս: Միթէ յիբաւի, գիտակցութեան անգամ գերազոյն ձևերը, որոնք թւեցի վերելք, միայն շաքն են, լոկ խաղեքք անտեսական ստրուկտուրայի, պատիւ, աննշան, չէութիւն և էական գեր չեն խաղում պատմական էլօլիցիայի, անտեսական կ'անջրի այդ կերպարանափոխումների մէջ. Այդ անկարելին է: Միթէ իսկապէս, հրադէսի գիւտը, Ամերիկայի յայտնագործումը, և վերջապէս, միջին դարի վերջերում առաջ եկած այն ետուն, արգասաւոր և ձօխ հոգեկան—մտաւոր աշխատանքը իր կողմից դրապատճօտ կամ խթան, մղիչ-ոյժ չի եղել ֆէօդալական կարգի և նատուրալ անտեսութեան յեղաշրջմանը. միթէ սրանք իրենց հերթին չեն կերպանաւորել և որակել այդ յարաբերութիւնները: Այդ աւելի քան անտարակոյս է: Յիբաւի, գիտակցարար և կամայական ձևով պիտի անգիտանալ միայն, այդ հանգամանքը չը տեսնելու համար: Եթէ կանգնենք այն բնորոշման վրայ, ինչ տալիս է Մարքսը, թէ ամբողջ զարգացումը արդիւնք է ներքին իմմանենտ ոյժի մղման, թէ արդիւնաբերական ոյժերը «բացասումի» շնորհիւ առաջ են գնում, կերպարանափոխում են, կամ, ինչպէս առաջ մենք արտայայեցինք, նրանք իրենց վերապրում են, «ինքն իրեն զարգանում», և իբր թէ այդպիսով հատարական ձևերն առաջանում են և ոչնչանում, նոր ձևեր վերածնելու պայմանով, բայց այս բոլորը, ճիշտ նկատում է Ջիմմէլ, միայն դատարկ խօսքեր են, ոչ աւելի լաւ, քան եթէ մարզը «ժամանակի ոյժին» պատասխանատու համարէր այն փոփոխութիւնների համար, որոնք կատարում են նրա մէջ: Այս բոլորը, յիբաւի, հնարաւոր է միմիայն մի գաղտնի մետաֆիզիկայի շնորհիւ բացատրել և բմնելի դարձնել: Թէ ինչպէս անտեսութեան, արդիւնաբերութեան մի ձևը փոխւում է մի այլ ձևի մէջ, ինչպէս մէկը միւսից զարգանում, եթէ իրօք անկարելի է միւս գործօնների փոխազդեցոնութիւնը — այստեղ թաղւած է Մարքսի մետաֆիզիքան, մի մետաֆիզիքա, որի մէջ շարունակում է:

ինչպէս նկատում և Զիմմէլ: «իդէաների ինքնաշարժումը»:

Բայց երկար չը ծանրանանք այս կէտի վրայ: Արդէն ես արծարծեցի և ուրւագծեցի այն մօմէնտները և հանգամանքները, որոնք վճռական դեր են խաղացել Մարքսի այդ շեշտած միակողմանի ըմբռնողութեան մէջ: Չեմ ուզում ծանրանալ դրա վրայ երկարօրէն նաև այն տեսակէտից, որովհետև իրենք, մարքսիստները, ամգամ ինքն էնդելսը, Մարքսի անբաժան և հողեկան ընկերը, շտապեց սրբագրել Մարքս—էնդելսի սկզբնական պնդումները և յայտարարութիւնները, և շեշտել որոշակի կերպով պատմական գործօնների փոխադրեցութիւնը:

Այժմ կարող ենք անցնել բնագիտական—մեխանիքական և սօցիալ—պատմական պատճառականութիւնների լուսաբանութեանը, նրանց յաշարերութեան ըմբռնողութեանը:

Բայց նախ քան դրամ խնդրի լուսաբանութիւնը տալու, ես կուզէի առանձնապէս շեշտել և ընդգծել Մարքս—էնդելսի, և առհասարակ պատմական մատերիալիստների մի դրական կողմի վրայ, այն դրական և խիստ գնահատելի աշխատանքի վրայ, որը նրանք արել են առհասարակ գիտութեան համար: Այդ գնահատելի ծառայութիւնը և դրական աշխատանքը կայանում է նրանում, որ Մարքս—էնդելսը, և առհասարակ մարքսիստները խիստ հարուստ մատերիալ և փաստեր ժողովեցին այդ տեսակէտից և այսպիսով ճոխացրին պատմագիտութիւնը: Պատմական մատերիալիզմը իր սահմանի, տնտեսութեան վերաբերեալ նիւթերը հաւաքեց, մշակեց և սիստեմի վերածեց: Եւ, յիրաւի, պատմական զարգացման փոխազդեցութեանը մասնակցող գործօններից ոչ մէկը այնպէս դետալլօրէն և գիտականօրէն և մանրամասնօրէն չէ ուսումնասիրւած, ինչպէս տնտեսական գործօնի, և այդ շնորհիւ մարքսիստների:

VIII.

Տիւլօլօզիա և մեխանիզմ.— մեխանիզմի էութիւնը.— բնագիտական— մեխանիքական պատճառականութիւնը.— բնութիւն և հասարակութիւն.— մարդու հոգեկան օրէքները.— տիւլօլօզիական տարրը.— Իդէալ.— սօցիալ— պատմական պատճառականութիւն.—

Մեխանիզմ, մէկն կօսմօլօզիական պրօբլէմներից, որոնց սկիզբը ձգուում է մինչև անտիկ ժամանակները:

Ի՞նչն է կազմում մեխանիզմի, մեխանիքական աշխարհայեցողութեան էութիւնը:

Այդ աշխարհայեցողութիւնը շանաչում է միմիայն *causae efficientes*, ազդող պատճառներ: Մի շարք մտածողներ, ինչպէս անտիկ ժամանակներում, Դէմօկրիտ, Էպիկուր և ին, նոյնպէս յաջորդ դարաշրջաններում՝ Կօպերնիկոս, Կեպլեր, Հօբբէս, Լամետրի, Հօլբախ և ին, նոյնպէս այժմ, մատերիալիստները, կանգնած են մեխանիզմի տեսակէտի վրայ: Նրանք պաշտպանում են «անհրաժեշտութեան» և «պատճառականութեան» սկզբունքը: Այն ամենը, ինչ տեղի է ունենում աշխարհում, բնութեան մէջ, տիեզերքում, ընդգրկած բովանդակ բնական և հասարակական երեւոյթները և պրօցեսները,— այն, այդ բոլորը կառուցւում և անհրաժեշտօրէն որոշւած է, այդ ամենը հանգչում է մեխամիզմի սկզբունքի վրայ: Ամեն հղելութիւն, ֆիզիքական թէ հոգեկան, գիտւում է իբր մեխանիքական շարժում, կատարւած աննպատակ, կուրօրէն:

Շարժում, անվերջ շարժում, մատերիալի, ատօմների շարժում . . .

Կարճ, աշխարհը, այդ ամեն ինչ ընդգրկող, պարփակող

աշխարհը ոչ այլ ինչ է, եթէ ոչ մի կոյր մեխանիզմ, մի հսկայական և խիստ բարդ անիւ, որը յաւէտ առաջ է գլորւում առանց որևէ նպատակի, առանց որևէ գիտաւորութեան:

Անա այս մեխանիքական պատճառակութիւնը կազմում է բնագիտութեան գէնքը, նրա ղեկավար սկզբունքը: Բնագիտութեան սահմանում բոլոր պրօցեսները և եղելութիւնները անհրաժեշտօրէն և կառուցալ որոշւած և պայմանաւորւած են: Մեխանիքական պատճառականութեան սկզբունքն է բոլոր փոփոխութիւնների և երևոյթների հիմքում գրւած: Ամեն ինչ նախորոշւած է պատճառի և հետևանքի պատով: Տիրոգն է մեխանիքական օրինաչափութիւնը:

Մենք մեխանիզմի տեսակէտը բաժանում ենք միայն այն չափով, որչափով նա տարածւում է անօրգանական աշխարհի, բնութեան երևոյթների և շարժումների վրայ: Անօրգանական աշխարհում, ճիշտ է, տեղի չեն ունենում դիտաւորեալ և նպատակադրւած ազդեցութիւններ: Կատարւող բոլոր շարժումները և երևոյթները կրում են տարերային բնոյթ: Բնութիւնը չունի — և չի ճանաչում — որևէ մօտաւոր կամ հեռւոր նպատակ, և զիմակցաբար նրան ձգտում: Այստեղ գործում, վարում է տարերային ոյժը: Այստեղ թաղաւորում է բնակագիտական — մեխանիքական պատճառականութիւնը:

Այս չափով իրաւունք ունեն մեխանիզմի հետևորդները. բայց երբ նրանք ուզում են այդ սկզբունքը ընդհանրացնել, տարածել նաև կենդանական, նախնաւանդ նաև մարդկային աշխարհի վրայ. բայց երբ նրանք ուզում են այդ սկզբունքը կիրառել նաև հոգեկան կեանքի օրէնքների, անհասական և սօցիալ, ինչպէս հասարակական երևոյթների, և այն բացառապէս, ահա այստեղ նրանք չարաչար սխալւում են:

Մենք տեսնում և ճանաչում ենք մարդկային և կենդանական աշխարհում նպատակ, տենդենց, մի տեղ աւելի, միւս տեղում պակաս գիտակցական: Այստեղ մենք փաստապէս և անմիջօրէն գործ ունենք գիտակից էութիւնների և նրանց հոգեկան արդասիքների և գործողութիւնների հետ: այստեղ ի նկատի է առնւում արդէն նոյնպէս տեղեւորութեան, նպատակարանական գիտողութիւնը:

Մարդու հոգին ունի իր իւրայատուկ օրէնքները, որոնք անկարելի է բացատրել բացառապէս մեխանիզմի սկզբունքով. և որքան մի էութիւն հոգեկան աւելի բարդութիւն է ներկա-

յայնում, այնքան աւելի քիչ է ենթարկւում մեխանիզմին և աւելի քիչ ազդւում դրսի աշխարհից: Եւ մարդը, իբր այդպիսին, իբր բարդ պոփիսիկա, պոփիսիկական ոյժեր, զգացում, կամք և գիտակցութիւն կրող էութիւն, իր հետ մայնում է հասարակական կեանքում փաստապէս մի անհատնում շարք տենչերի, ձգտումների, տենդենցների, նպատակադրումների, մի ամբողջ սուբեկտիւ տեղեւորգիտ, և դրանից հասարակական փոխ-յարարերութիւնների մէջ առաջանում է մի ամբողջ սօցիալական տեւլօլօգիա (նպատակարանութիւն):

Եւ եթէ, յիշաւի, ամբողջովին ճիշտ լինէր մեխանիքական աշխարհայեցողութեան այն պնդումը, այն ժամանակ մենք իրաւունք չէինք ունենալ խօսել պատասխանատուութեան, պարտականութեան և մօրալի մասին, չէ որ ըստ մեխանիզմի ամեն ինչ կառուցալ որոշւած է, չէ որ մարդը կոյր գործիք է արտաքին հանդամանքների ձեռքում: Եւ առհասարակ մնում է մեխանիզմի, մեխանիքական անհրաժեշտութեան համար մի առեղծւած պարտականութեան գիտակցութիւնը, մի անլուծելի առեղծւած:

Բայց այդպէս չէ հասարակութեան մէջ, մարդ անհատի մօտ, սօցիալ-պատմական երևոյթների մէջ. սրանք ունեն իրենց իւրայատուկ օրէնքները, որոնք չեն ենթարկւում արտաքին հանդամանքներին:

Մարդիկ, իբր միտք և գիտակցութիւն կրողներ, ձև են աւելի օրիկտիւն, ուղղութիւն և գոյն բնութեան տարերային երևոյթներին և դիպւածներին և մղում ղեպի մի կէտ — նպատակ: Նրանք ծառայեցնում են իրենց բնութեան ոյժերը, կանոնաւորում տարերային ոյժի առաջացրած անկանոն փոփոխութիւնները, ելնելով միշտ էլ որոշ նպատակից: Այստեղ, սօցիալական երևոյթներում, մարդկային գործողութիւնների աշխարհում խիստ սահմանափակւում է բնագիտական-մեխանիքական պատճառականութիւնը: Այս սահմանում տիրոգն է տեղեւորգիական տարրը, սօցիալ-պատմական պատճառականութեան և անհրաժեշտութեան սկզբունքը: Պատմական երևոյթներն, առհասարակ պատմական ընթացքը ունի իր ուրոյն օրինաչափութիւնը. դա սօցիալ-պատմական, բայց երբէք մեխանիքական անհրաժեշտութիւնն է և օրինականութիւնը: Նա ունի իր ուրոյն օրէնքները: Բայց այդ երկու սկզբունքները, բնագիտական — մեխանիքական և սօցիալ-պատմական անհրաժեշտութիւնները և պատճառականութիւնները

ըը չեն ժխտում միմեանց, այլ լրացնում, ճիշտ այնպէս, ինչպէս լրացնում են կօլլեկտիւ և անհատական կամեցողութիւնները, որի մասին խօսք կը լինի: Եւ այդ սօցիալ-պատմական օրինաչափութեան համապատասխանում է մի որոշակի, ստեղծագծած իդէալ, որը դնում են մարդիկ: Այստեղ անխուսափելիօրէն շեշտուում է տելէօլօգիական, նպատակաբանական տարրը:

Այդ գերազոյն իդէալն է միշտ էլ առաջնորդում անհատներին, մարդկային-խմբակցութիւններին և հաստատներին: Ամենքը սօցիալական - պատմական կեանքում ղեկավարուում են այդ էդէալի տեսակէտով: Այստեղ ուժգին շեշտուում է սուբիեկտիւ տեսակէտը: Եւ ի դուր չէ, որ ամեն մի պատմական երկ սուբիեկտիւ շեշտ ունի: Պատմագիրը ոչ թէ օրիեկտիւ կերպով նկարագրում է միայն պատմական փաստերը և խաղաղ, անդորր հոգով անալիզի ենթարկում, այլ, ընդհակառակը, նա աւելի քննադատում, գնահատում է սօցիալական իդէալի տեսակէտից, նրան զբաղեցնում է աւելի այն, ինչ պիտի լինէր, նա զբաղւում է Sollen-ով, նրանով, ինչ պիտի լինի, Հրամայականով: Իսկ սա ամբողջապէս պրոբլէմ է որոշ տեսակէտի, իսկ տեսակէտները ս ու ը ի ե կ տ ի ւ են արդէն:

Յիրաւի, ամեն մի պատմական աշխատութիւն անպայման սուբիեկտիւ է: Ով ճառում է օրիեկտիւութեան մասին, նա իրօք ինքնախարէութեան մէջ է գտնուում: Չը կայ օրիեկտիւ պատմական երկ: Եթէ կայ այդպիսին, նշանակում է գրողը չունի որևէ տեսակէտ, իսկ դա էլ անհնարին է ընդունել: Ամեն մի անհատ ունի իր իւրայատուկ տեսակէտը, իր ակնկալութիւնը կեանքից, ի հարկէ, իր սպեցիֆիկ հասկացողութեամբ: Եւ այդ տեսակէտով էլ նա գունաւորում է հասարակական - պատմական երևոյթները և փաստերը: Երբ մենք թերթում ենք մի պատմական երկ, լինի նա խոշոր թէ մանր, իսկոյն մեր աչքին է զարնում այդ մատնանշած յատկանշական կողմը: Միևնոյն հասարակական երևոյթը, միևնոյն պատմական շրջանը բոլորովին և հիմնօրէն տարբեր բնոյթ, տարբեր բովանդակութիւն և լուսաբանութիւն է կրում տարբեր հայեցողութիւններ ներկայացնող պատմախոյզների մօտ: Միևնոյն երևոյթը մէկի համար բեզբեսիւ է, միւսի համար պրօգրեսիւ:

Այս բոլորը անմիջապէս արդիւնք է նրանց ակնկալութեան կեանքից, այն իդէալի, որը նրանք ունեն կեանքի վերաբերմամբ և որը իրականացնելու համար չեն խնայում ոչինչ:

Այդ իդէալը միշտ էլ կայ, և այն ունին բոլորը:

Մեր ի դ է ա լ ն է անհատի կատարեալ, բազմակողմանի և ներդաշնակ զարգացումը հասարակութեան մէջ: Այն, ինչ որ տանում է դէպի այդ իդէալի իրականացումը, պրօգրեսիւ է մեղ համար, իսկ հակառակ քայլը բեզբեսիւ: Մենք կուում ենք այն բանի դէմ, ինչ խանգարում է դէպի մեր իդէալը տանող ընթացքը, և, ընդհակառակը, ոյժ տալիս նրան, ինչ նպաստում, հարթում է նրա ուղին: Դրական է այն, ինչ մեր իդէալի օգտին է խօսում, բացասական է այն, ինչ՝ ընդդէմ: Եւ մենք գործադրում ենք մտքսիմումը մեր էներգիայի, մտքի և զգացումի՝ իդէալի իրականացման համար: Մեր բոլոր գործողութիւնները բացառապէս ուղղւած են այդ բեռակէտին. և մենք փաստապէս, ինչպէս ամեն մէկը առհասարակ, մտցնում ենք հասարակական երևոյթների շրջանում որոշակի տեսակէտ, հետևապէս նպատակ, մի սօցիալ - պատմական անհրաժեշտութիւն:

Ի՞նչ է մեր իդէալը, առհասարակ ամեն մի իդէալ ինքնին:

Իդէալը տելէօլօգիայի գ եր ա գ ո յ ն ա ո ա ը կ ա ն է, և նա ընդգրկում է մի շարք արժէքներ:

Սօցիօլօգիայի, քաղաքականութեան, էսթէթիկայի և էթիկայի շրջանակում, ուր մենք գործ ունենք զխաւորապէս արժէքների և գնահատումների հետ, տիրում է զխաւորապէս տելէօլօգիական տեսակէտը: Այստեղ խիստ սահմանափակում է օրիեկտիւ տարրը նպատակադրող սուբիեկտով: Սօցիօլօգիայի, էթիկայի, էսթէթիկայի և քաղաքականութեան մէջ տիրում է ոչ միայն այն, ինչ որ կայ, ինչ իրական է, այլ և այն, ինչ որ պիտի լինի,—գա Հրամայական է, որը հանգչում է մարդու հոգեկան գործողութեան վրայ: «Արժէքներից է աճում, զարգանում և արժէքների վրայ հանգչում մեր հոգեկան կեանքը»,—ասում է Ռիլ: Իսկ չը կայ արժէք առանց տելէօլօգիայի: Մեր հոգու բովանդակ զարգացումը, մեր գործողութիւնների կեանքը հիմնւած է տելէօլօգիական սկզբունքի վրայ: Իսկ առանց այդ տելէօլօգիական սկզբունքի, կամ «առանց այդ արժէքների կը լինէր մեր կեանքի նաւարկութիւնը յիրաւի առանց կողմացոյցի» (Ռիլ): Բայց մենք ունենք այդ կողմացոյցը: Մարդկային գործողութիւնները ներկայ քաղաքակրթութեան աստիճանի վրայ այնչափ ազատ են, որ նա կարող է իր բախտը խոշոր չափով տնօրինել և իր կեանքի երթը որոշել: Եւ որքան բարձրանում է քաղաքակրթութիւնը, մարդու գիտակցութիւնը, այնքան աւելի նա տ է ը է լինում իր

բախտի տնօրինութեան, իր ճակատագրին:

Իդէալը կայ, ոչ ոք չի կարող ժխտել այն: Իսկ իդէալի գոյութիւնն արդէն ինքնին, չենք ասում բացասումն, սակայն սպասման փակումն է մեխանիզմի սկզբունքի, «անհրաժեշտութեան»: Եթէ յիշուի մեր բովանդակ գործողութիւնները կառուցալ և անհրաժեշտօրէն որոշւած լինէին, եթէ ամեն ինչ ենթարկւած լինէր «Իրերի բնական - տարրային ֆաթալ ընթացքին» և մարդն էլ լինէր այդ ընդհանուր հոսանքի մի անկամ և պասիւ մասնիկը, այն պարագային մենք ամենևին առիթ էլ չէինք ունենայ խօսել մօտաւոր և հեռավոր նպատակները և երազել սօցիալական իդէալի մասին:

Բայց այդ իդէալը գոյութիւն ունի, ամեն մէկի սիրտը բաբախում է նրա համար: Առանց այդ իդէալի ուղղակի անհնարին կը լինէր հասարակական երևոյթների, պատմական ակտերի և դիպածներին ճշգրիտ հասկացողութիւնը, նրանց ըմբռնումը: Հասարակական կեանքի մէջ մարդը գնահատող է. բոլոր դիտողութիւնները վերին աստիճանի սերտ կապւած են բարոյական արժէքների և գնահատումների հետ: Մարդը չի կարող ինդիֆֆերենտ մնալ հասարակական - քաղաքական երևոյթների շրջանակում, լինել լուռ հանդիսատես և «օբիեկտիւ» դիտող: Այդ անկարելին է: Մարդը, ընդհակառակը, տարւում, ոգևորւում է սօցիալական - քաղաքական ֆակտերով և երևոյթներով, նա դատում և դատւում է, լալիս և խնդում, ասնջւում և յուզւում: Ահա այս տարրերն են, որ հնարաւոր են դարձնում սօցիալ - քաղաքական երևոյթների և շարժումների հասկացողութիւնը:

Մարդիկ յաճախ կրկնում և յանձնարարում են ուրիշներին այն խիստ բանալ ֆրազան «չ'արտասուել և չը ծիծաղել, այլ հասկանալ»: Սա յիրաւի արսուրդ է հասարակական - քաղաքական կեանքում, սօցիոլոգիայի մէջ, ուր տիրականօրէն իշխողն է տեւէօլոգիական տեսակէտը, որ գլխին և կանգնած է մեր սօցիալական իդէալը: Ասում ենք, այդ մի արսուրդ է, որովհետև հէնց դրանով մեզ «յանձնարարում են չը հասկնալ», սրամիտ կերպով նկատում է Միխայիլովսկի: Ոչ աւելի և ոչ պակաս, այլ «չը հասկանալ»: Չը ծիծաղել այն բանի վրայ, ինչ ծիծաղելի է, կը նշանակէ ուղղակի «չը հասկանալ», չ'արտասուել այն, ինչ արտասուելի է, չը կարեկցել այն, ինչ կարեկցելի, նշանակում է չը հասկանալ, չ'ըմբռնել:

Այս բոլորը հասկանալի են իդէալի, երջանկութեան տեսակէտից:

Եւ կարելի է հաստատապէս և առանց վերապահութեան պնդել, — չը կայ և չի կարող լինել մի անհատ, մի գրուպա, մի կազմակերպութիւն առանց մօտաւոր և հեռաւոր նպատակի: Նայէք և դիտէք դէթ մի րոպէ ձեր շուրջը ետող և պայքարող կեանքը, և իսկոյն կը համոզւէք: Տիրող տեւէօլոգիական տարրն է, սօցիալ - պատմական անհրաժեշտութիւնը:

Գրուպա, խմբակցութիւն, օրգանիզացիա հասկացողութիւններն արդէն ինքնին տեւէօլոգիական միութիւններ են: Այդ երևոյթին մենք ակնատես ենք ինչպէս զարգացման ամենապրիմիտիւ աստիճանի վրայ կանգնած մարդկային հասարակութեան մէջ, նոյնպէս և XX քաղաքակիրթ դարի շէմքում կանգնած հասարակութեան մէջ: Մի տեղ պակաս գիտակցական, միւս տեղ աւելի բարձր գիտակցական: Բայց էապէս երևոյթը նոյն բնոյթն է կրում, կեանքը միևնոյն խնդիրն ունի — նպատակ: Այդ բոլոր միութիւնները որոշակի նպատակի ծնունդ են և որոշ նպատակի համար են, որոնք երևան գալով կեանքի մէջ, աշխատում են իրենց ընդհանուր նպատակի իրագործման համար: Հասարակութիւնն ինքն ևս այդպիսին է, մի օրգանիզացիա որոշակի նպատակի համար:

Սօցիալ - Դիմօկրատիա. սա մի կուսակցութիւն է, որոշ մարդկանց միութիւն, մի կազմակերպութիւն: Նրա հիմքում կայ դրւած տեւէօլոգիայի սկզբունքը, թէև իրենք սօց. - դեմօկրատիայի թէօրետիկները իրենց համարում են «Իրերի բնական ընթացք»ի հետևողներ: Սօց - դեմօկրատական կազմակերպութիւնը իբր այդպիսին ունի, ինչպէս գիտէք, իր մօտաւոր և հեռաւոր նպատակը, իր մինիմալ և մաքսիմալ ծրագիրը. նա ունի նաև իր իդէալը: Իսկ այդ մինիմալ և մաքսիմալ ծրագիրները, ըստ էութեան, ոչ այլ ինչ են, եթէ ոչ արժէքների և գնահատումների հետևապէս նաև տեւէօլոգիայի անմիջական և հարազատ արդիւնք, չէ որ չը կայ արժէք առանց տեւէօլոգիայի: Սօցիալ - դեմօկրատիան մտնելով հասարակական - քաղաքական կեանքի մէջ, առաջադրում է իր մինիմալ և մաքսիմալ պահանջները, խտացնում է իր շարքերը և պայքար մղում նրանց իրականացման համար ամենուրէք, պարլամենտներում, սէյմերում, և այլն: Նա չի կանգնում ինդիֆֆերենտ, հեռուից անմաս դիտողի դերի մէջ և ոչ էլ ձեռքերը ծալած սպասում «Իրերի բնական - տարրային ֆաթալ

ընթացքին»։ Նա պայքարում է։— Պրօլետարներ ըստը երկրները միացէք»։ կոչում է սօց. - դեմօկրատիան։

Ինչ կն ներկայացնում այս բոլորը։ Նախ այն, որ սա մի աչք ծակող հակասութիւն է մարքսեան «իրերի բնական ընթացքի» և երկրորդ մի ամբողջ սօցիալական տեւելօլօգիա, ոչ օրիեկտիւ, այլ սուբիեկտիւ։ Ինչպէս որ Կ. Մարքսը, իրը խոշոր միտք և խորունկ գիտակցութիւն կրող անհատ հասակումն է, մինչև իսկ բացասումն այն դրութեան, ինչպէս դեռ շատ մարքսիստներ պընդում են, մանաւանդ ուսու մարքսիստներ, թէ անհատի դերը պատմութեան մէջ հաւասար է գերօրի, նոյնպէս և սօց - դեմօկրատիան իրը կազմակերպութիւն հակասումն է մարքսեան մեխանիզմի, իրերի «բնական ընթացքի»։

Այսպիսով նրանք ևս իրականապէս կանգնած են այն տեսակէտի վրայ, ինչ մենք ենք ներկայացնում։ Նրանք ևս հաստատում են սուբիեկտիւ տեւելօլօգիայի սկզբունքը։

Մենք, կարծում ենք, իրաւունք ունենք, մինչայժմեան անալիզից եզրակացնել, որ տեւելօլօգիական տարրը սօցիոլօգիայի մէջ ոչ միայն ա ն ի ս ու ս ա փ ե լ ի է, այլ և ի ս ի ս տ ց անկ ա լ ի։

Եւ քանի մարդը աւելի ճանաչի բնութեան և հասարակական օրէնքները, քանի բարձրանայ կուլտուրայի մակերևոյթը, այնքան աւելի կը շեշտուի սուբիեկտիւ տեւելօլօգիան, մարդու տեւելօլօգիան, հեռապէս նաև մարդու կատարելիք դերը։

Բայց անցնենք մասսաների և անհատների դերին պատմութեան մէջ, մի հարց, որը անմիջական և շատ սերտ կերպով կապւած է այս խնդրի հետ։

IX.

Մասնա և անհատ.— սրանց փոխարարելութիւնը.— կօլլեկտիւ և անհատական կամեցողութիւն.— սրանց յարաբերութիւնը.— լրացում են իրար։

Այն պրօբլէմը, թէ պատմութիւնը անանուն մասսաներն են որակում թէ անհատները, զբաղեցրել է, և զբաղեցնում է ամեն մի պատմագէտի, ամեն մի պատմափիլիսօփայի և սօցիոլօգի։ Տիրում են տարբեր տեսակէտներ, իրար տրամագծօրէն հակադիր ուղղութիւններ։ Կան պատմագէտներ և սօցիոլօգ—փիլիսօփաներ, որոնք բացասում են անհատի դերը պատմութեան մէջ և շեշտում են միմիայն մասսայի նշանակութիւնը, զարձնելով այն իրը առաջ—մղիչ գործօն պատմական էվօլյուցիայի, առնասարակ սօցիալական—քաղաքական զարգացման։ Արդէն ևս առիթ հմ ունեցել նման մտածողների անունները յիշատակելու։ Ինչպէս Կօնգօրսէ, Բօլլ, Կօնտ, Մարքս եւն։ Մտածողների այս շարքի հանդէպ կան և այնպիսի դէմքեր, նոյնքան հեղինակաւոր և խոշոր, որոնք, ընդհակառակն, ճանաչում են անհատի, ,,մեծ մարդկանց“ դերը պատմական պրօցեսի մէջ և մերժում միանգամայն մասսայի և շրջապատի նշանակութիւնը։ Օրինակ, Թօմաս Կարլէյլի, անգլիացի յայտնի պատմաբան—փիլիսօփայի և ,,հերոսները ու հերոսականը պատմութեան մէջ“ աշխատութեան հեղինակի համար պատմութիւնն այլ բան չէ, քան անհատի, մարդկանց կենսագրութիւնների գումարը։ Բայց կայ մի երրորդ ուղղութիւն աւելի լայն և խորն, որն ընդունում է այդ երկու տեսակէտները խիստ ծայրահեղ և միակողմանի, ինչպէս և իրականութեանը չը համապատասխանող, և ճանաչում է թէ մասսաների և թէ անհատների դերը պատմութեան մէջ։ Եւ ճշմարտութիւնը սրա կողմն է։

Բայց անցնենք ապացուցութեանը և լուսարանութեանը. տեսնենք ինչ չափով այդ տեսակէտները համապատասխանում են իրականութեանը և ընդգրկում այն: Կանգ առնենք դրանց վրայ դատ—դատ:

Առաջին տեսակէտը, որը բացասում է անհատի դերը, միակողմանի է, անգամ սխալ: Յիրաւի, անհատը ղէրօի արժէք ունի՝ պատմական ընթացքի համար, պատմական էվոլյուցիայի մէջ, ինչպէս պնդում են այդ տեսակէտի մարդիկ: Բայց սովոր են այդ անհատները, ժամանակի այդ «մեծ մարդիկ», ինչպէս այդպիսիներն սովորաբար բնորոշում են: Այդ որոշումի տակ հասկացւում են առհասարակ այն անհատները, որոնք ոչ թէ տեղական նշանակութիւն են ունենում, այլ ընդհանուր, որոնց ազդեցութեան շրջանակը ոչ թէ սահմանափակւած է, այլ ընդհակառակն, ընդարձակ է, լայն. վերջապէս նրանք, որոնք տեղ են բռնում պատմութեան, քաղաքակրթութեան մէջ: Բայց այդպիսի անհատները կարող են լինել թէ օգտակար և թէ ֆլասասկար, թէ դրական և թէ բացասական դէմքեր. նրանք կարող են էվոլյուցիայի համար լինել և՛ խթան, և՛, եթէ ոչ յետ-մղիչ, գոնէ յետ կացեցնող ոյժ: Եւ այդպիսի, պատմութեան, առհասարակ կեանքի մէջ յայտնի չափով վճռական դեր խաղացող անհատներ կան ընդհանրապէս գիտութեան, ընդգրկող իրականութեան բոլոր սահմաններում, և՛ գրականութեան, և՛ քաղաքականութեան մէջ, և՛ն: Բոլորովին միակողմանի և թերի է այն ըմբռնողութիւնը, որ «խոշոր անհատներին» տակ հասկանում են միմիայն իշխողներ, քաղաքագէտներ: Պատմութեան մէջ կարող են դեր խաղալ և՛ իշխողներ, և՛ քաղաքագէտներ, և՛ զօրավարներ, և՛ գեղարւէստագէտներ, և՛ փիլիսօփաներ, և՛ կրօնի հիմնադիրներ, և՛ խոշոր գիտնականներ, և՛ն: Յիրաւի, անհեթեթութիւն է պնդել, թէ այդպիսի խոշոր մարդիկ, բացառիկ անհատներ, որն է հետք չեն թողնում պատմութեան մէջ իրենց մահից յետոյ: Այդ խախտութիւնը ցոյց տալու համար, կը յիշատակեմ մի քանի անուններ պատմութիւնից, որոնք բաւականին ցայտուն կերպով երևան կը բերեն անհատի արժէքը: Ծճարտութեան գէմ մեղանչել է նշանակում, յիրաւի, անգիտանալ այն դերը, որը խաղացել է պատմութեան մէջ մի Ալէքսանդր Մակեդոնացի, մի Ֆրիդրիխ II, մի Նապօլէօն, մի թէկուզ Չինգիզ—խան, թէկուզ բացասական մտքով, մի Բիսմարկ: Մեծ մարդկանց ամենամեծ ոյժը կայանանում է հէնց նրանում, որ նա կարողանում է պատմա-

կան մօմենտները ձեւաւորել, ձեւակերպել: Է՛լ աւելի անմիտ է ասել, թէ Մահմէտը և Քրիստոսը, իբր այդպիսիները, իբր անհատներ և կրօնի հիմնադիրներ, վճռական դեր չեն խաղացել պատմական զարգացման ընթացքի մէջ: Անունները կարելի է անընդհատ շարունակել: Ծճարտութեան գէմ մեղանչել չէ՞ նշանակում հապա, երբ մարդիկ անգիտանում են Ամերիկայի յայտնագործումի այն ահագին նշանակութիւնը. դուցէ ումանք նկատեն, և շատերը նկատում են, ձգտելով նսեմացնել այդ յայտնագործումի արժէքը,—այդ գիւտը եթէ չը կատարէր Կոպերնիկոսի ձեռքով, կը կատարէր մի ուրիշի միջոցով. դա միայն ժամանակի խնդիր էր: Բայց այդ «սրամիտ» առարկողները գիտակցաբար անգիտանում են շատ կարևոր հանգամանք, այն, որ մինչև Ամերիկայի յայտնագործումը մի ուրիշի միջոցով կը կատարէր, պատմութիւնը, կուլտուրան որոշ չափով կանգ առնել կը նշանակէր. մի խիստ հարւած կալտուրայի զարգացման համար:

Այս յիշած փաստերը արդէն ինքնին ջրում են կօլլեկտիւււիտների միակողմանի պնդումը և բոլորովին անտարակուսելի դարձնում անհատների, միտք, խորունկ գիտակցութիւն և, որ զլխաւորն է, որոշակի կ ա մ ե ց ո գ ու թ իւ ն ընդգրկող անհատների նշանակութիւնը պատմութեան մէջ: Այդ այդպէս լինելով, մենք չենք անգիտանում, իհարկէ, այն սօցիալական և անտեսական—քաղաքական, ինչպէս բնական պայմանների նշանակութիւնը, որոնց մէջ ապրում է այդ անհատը: «Պայմաններն են ստեղծում մարդիկնց»: Այս միտքը ունի անկասկած ճշմարտութեան իր խոշոր բաժինը, բայց, միւս կողմից, ճիշտ է նաև այն դրութիւնը, թէ մարդն է ստեղծում պայմաններ, ազդում այդ պայմանների վրայ: Չէ՞ որ նոյն այդ պարագաներին պատկանում են նաև անհատական ընդունակութիւնները, մանաւանդ մ ա ր դ ու կ ա մ ե ց ո գ ու թ իւ ն ը և գ ի տ ա կ ց ու թ իւ ն ը:

Այստեղ արդէն շօշափւում է կամքի ազատութեան յաւիտենական պրօբլէմը: Կասեմ այդ մասին միայն այսքանը: Ես ոչ ընդունում եմ կամքի բացարձակ ազատութիւնը, որը քարոզում են ինդետերմինիստները, ազատ հասարակական կարգերից, միջավայրի պայմաններից, ոչ էլ ընդունում ենք դետերմինիզմի տեսակէտը, թէ անհատի գործողութիւնները, որոշումն են հասարակական կարգերից, և ներկայացնում են իբր սոսկ արդիւնք:

Ճշմարտութիւնը երկուսի համադրութեան մէջ է: Կամքը, անհատական կամեցողութիւնը չի ներկայանում սոսկ հետեանք, այլ նաև պատճառ: Մարդը իր կամեցողութեամբ մտնում է իրերի պատճառահանութեան կապակցութեան մէջ:

Եթէ անգամ ուղեկանք տեսականօրէն կամքի ազատու-
տութիւնը բացասել, դործնականապէս էլի ստիպւած կը լինենք նրա հետ՝ իբր մի ուժեղ ֆակտորի գործ ունենալ: Գործնականապէս նա անջնջելի է: Բայց որ ազատ կամքը կարելի է իբր պոստուլատ դնել, դա ինձ համար անվիճելի է: Եւ մարդու կամքը յաղթանակում է: Մեխանիզմը յետ է մղւած: Այս է ցոյց տալիս զարգացման տեղեկները: Այդ շեշտում է նաև Էնգելսը: Նա ասում է իր «Feuerbach» գրքում — «մարդը աւելի ու աւելի ազատում է անտեսական կախումից և նա ստեղծելու է իր պատմութիւնը:» Հասարակական և բնական պայմանները մի կողմից, և անհատները իրենց կամեցողութեամբ և գիտակցութեամբ միև կողմից՝ գտնւում են փոխազդեցութեան մէջ: Հասարակական միջավայրի նշանակութիւնը, ուրեմն, երբէք չի բացասուում, բայց նրան չի տրւում միաժամանակ միակ և բացառիկ տեղ: Վանդերվելտը յաջող և սրամիտ կերպով նկատում է. — «անհասկանալի է, երբ ասում են, թէ Բեթովենի կամ Մօցարտի սիմֆօնեան, Կանտի կամ Մպինօզայի մետաֆիզիկան, Քրիստոսի կամ Մամհեդի կրօնը արդիւնք են այն հասարակական միջավայրի, ուր նրանք ծնւել են: Այդ նոյնը կը լինի, եթէ ասենք, թէ բոյսերը արդիւնք են հողի այն պատճառով, որ սերմը կարիք ունի հողի, որպէսզի ծիլ տայ»:

Այստեղ, ուրեմն, նկատողութեան են զալիս թէ միջավայրի պայմանները և թէ այն, ինչ յատուկ է անհատին, այն, ինչ անհատական է: Որոշ չափով ճիշտ է, ի հարկէ, այն զրութիւնը, թէ ամեն ժամանակ իր մարդիկն է առաջ բերում, բայց միայն սա չի կարելի օրէնքի վերածել: Սխալ է, անտարակոյս, պնդել, թէ ամեն ժամանակ անպայմանօրէն տրւած է լինում, կամ թէ անհնարին է: Երբեմն մի զօրավարի մահը խիստ վճռական դեր է խաղում մի պատերազմի վերջանական ելքի վրայ, և չի կարողանում մէկը նրան փոխարինել: Գօզօլը այրեց իր «Մեռած հողիներ» պօէմի երկրորդ մասը, նրա միջավայրը չը ստեղծեց այն նորէն:

Դենք մի նշալժման վերլուծումների եզրափակումը. անհատի դերը անտարակուսելի է պատմութեան մէջ:

Շեշտելով և խնամքով ընդգծելով անհատի դերը, մեն չենք անգիտանում նոյնպէս վիճավայրի և մասսաների նշանակութիւնը, ինչպէս այդ մասին արդէն յիշատակեցի: Հասարակական շարժումների, պատմական զարգացման մէջ մասսաների դերը, գոնէ մեզ համար ամեն տարակուսանքից վեր է: Մասսան ևս իր ցանկութիւնները առաջադրում է և նրանց համար պայքարում: Նա ևս բերում է հասարակական կեանքում իր կամեցողութիւնը — կօլլեկտիւ կամեցողութիւն: Բայց մեզ համար կօլլեկտիւ և անհատական կամեցողութիւնները, որոնք մենք իբր աւեախներ ենք ընդունում — չեն ներկայացնում իբր հակադիր, իրար ջնջող ոյժեր, այլ, ընդհակառակն, իրար լրացնող, ամբողջացնող: Միայն կան տարբերող գծեր անհատի և մասսայի ազդեցութեան մէջ և պատմական ընթացքի վրայ: Ճիշտ է, ժողովրդական գանգաւանները, հսկայական մասսաները ազդում են տիեզերապատմութեան վրայ, բայց ոչ այնքան գիտակցօրէն, որքան մեքենարար: Խորունկ գիտակցական, պլանաչափ գոծունէութիւն չը կայ մասսայական շարժումների մէջ: Ճիշտ է, առանց մասսայի անհասկանալի է պետութիւն, հասարակութիւն, բայց նրա աշխատանքը պետական գործերի մէջ, ստեղծագործական չէ, որքան մեծ մարդկանց, անհատների, որոնք կոչւում են յաճախ իրաւամբ իր «ժամանակի գիտակցութիւն»: Նոյնը և խոշոր, յեղաշրջող իդէաների վերաբերմամբ: Ճիշտ է, ժողովրդական գանգաւանները անազին դեր են խաղում այդ իդէաների տարածման գործում, բայց այդ իդէաների ստեղծագործութեան մէջ սրանց մասնակցութիւնը անհամեմատ փոքր, աննշան է անհատի ստեղծագործական խոշոր ոյժի հանդէպ: Այսպիսի պարագայում մասսաներն աւելի օգնողներ են, քան ստեղծագործութեան աշխատակիցներ հաւասար ոյժով և հաւասար չափով: Բայց յամենայն դէպս մասսաների ազդեցութիւնը Նոյնպէս անտարակուսելի է: Եւ Թօմաս Կարլէյլի կարծիքը միանգամայն միակողմանի է և սխալ: Նա բացասում է մասսաների դերը, ինչպէս և սօցիալական — բնական պայմանները:

Այս բոլորից պարզ է, որ պատմական զարգացումը կարիք ունի և՛ ժողովրդական մասսաներին և՛ անհատներին: Իդէաները, կարելի է ասել, առաջանւում են անհատկանօրէն, իսկ տարածւում են կօլլեկտիւ: Անհատները, իհարկէ կատարեալ ազատ չեն, միանգամայն սխալ է ինդերմենիտների կարծիքը, նրանք ազատ չեն հէնց այն պատճառով, որ նրանք միջավայրից և մասսա-

ներից են ստանում նիւթ իրենց գործողութիւնների համար: Այսպիսով տիրում է անհատների և մասսաների միջև մի հաստատուն և շեշտած փոխազդեցութիւն: Նրանք փոխադարձաբար իրար պայմանաւորում են և միեւնոյն ժանանակ լրացնում: Մասսաներն ևս, ինչպէս անհատները, միշտ էլ երևան են բերում շեշտած կամեցողութիւն—կօլլեկտիւ. և անհատական կամեցողութիւնը, իհարկէ, չէ գնում միշտ էլ ընդդէմ կօլլեկտիւ, մասսայական կամեցողութեան, այլ նրանց կամեցողութիւնները զուգադիպում են և փոխադարձաբար իրար օգնում: Բայց յաճախ էլ լինում է աւելի ուժեղ անհատական կամեցողութիւնը և ուղղութիւն է տալիս ժողովրդական զանգաւաններին. ամեն մի իդէա ծագում է մեծ մասամբ անհատներից, բայց նա տարածւում, խորանում և կիրաւում է մասսաների միջոցով: Յամենայն զէպս կօլլեկտիւ և անհատական կամեցողութիւնները փոփոխակի ազդում են իրար վրայ: Սա է միակ ճիշտ զրութիւնը: Նրանք առաջանում են և՛ իբր պատճառ և՛ իբր հետևանք, և գտնում փոխազդեցութեան մէջ: «Ամեն զարգացում (Werden) անհատական է, իսկ ընթացքը կօլլեկտիւ. անհատական է ստեղծագործական մօմէնտը, իսկ կօլլեկտիւ տարածւող ընթացքը, ասում է Լիդնիւր: Անհատական դործը ունի սահմանափակ ազատութիւն, իսկ կօլլեկտիւը՝ սահմանափակ անրաժեշտութիւն, որովհետև առաջինը որոշում է նախապայմանների միջոցով, իսկ վերջինս էլ յետ—ազդեցութեան միջոցով: Եթէ մարդ ուղինար անհատը ջնջել, այն ժամանակ մարդ պիտի վերացնէ այն միտքը, որ պատմութիւնը փոփոխութիւն—զարգացում է (Werden): Յիրաւի, ինչպէս կարող եմ ես զարգացումն ըմբռնել, երբ ես ծագումը անտես անհմտ իսկ եթէ մարդ կամենար մասսան ջնջել, այն ժամանակ պիտի հրաժարել նաև զարգացման հասկանալուց, որովհետև առանց նրան անհնարին է»:

X.

Մինչայժմեան անալիզի արդիւնքը.—Փակտօրները ըմբռնումը.—մասնագէտին յատուկ միակողմանիութիւնը.—բնալիստական պատմափիլիսօփայութիւնը.—նրա էութիւնը.—փոխազդեցութեան սկզբունքը:

Մինչայժմեան անալիզից—նկարագրական և քննադատական բաժիններից—կարելի է հանել անմիջօրէն այն պարզ հետևողութիւնը, որ վերև առաջ բերած պատմափիլիսօփայական ուղղութիւններից և ոչ մէկը չէ ընդգրկում բովանդակ պատմական պրօցեսը. միակողմանի է նրանց ապացուցութիւնը և ըմբռնողութիւնը: Այս երևոյթը աւելի քան ցայտուն կերպով երևան բերաւ մինչայժմեան քննադատութիւնը:

Այդ ուղղութիւններից իւրաքայնիւրը շեշտում է պատմական պրօցեսին մասնակցող մի շարք տարրերից մէկը, դարձնում այն միակողմանիօրէն հիմնաֆակտօր պատմական էվօլյուցիայի, իսկ միւսները, փաստապէս հաւասարաբաշխ և հաւասարազօր, ստորադասում և երկրորդական տեղ տալիս: Այդ պէսպիսի պատմափիլիսօփայական թէօրիաները, օրինակ, մերթ նախախնամութիւնն են դարձնում ամբողջ պատմութեան սուբստանց պատճառ (Աւգուստին), մերթ իդէաները, արքայութիւն իդէաները (Հեգել), մերթ ինտելլեկտը (Կօնտ), մերթ անտեսական յարաբերութիւնները, անտեսութիւնը (Մարքս): Ծիծաղելի կը համարէք անշուշտ, ինչպէս նկատում են շատերը, հիթէ կօշկակարը պնդէր, թէ մարդկային զարգացման որոշիչ ֆակտօրն է ոտի հագուստը: Բայց նմանօրինակ միակողմանիութիւն է, երբ ամեն մէկը այն պատմութեան զլխաւոր և էական տարր համարում, ինչով նա յատկապէս, մասնագիտօրէն զբաղւում է: Այս հոգեբանական կող-

մի վրայ ես արդէն առիթ եմ ունեցել ծանրանալու: Աշխարհագրագէտը, օրինակ, ընական ազգեցութիւնները, աշխարհագրական դիրքը և պայմաններն է գիտում իբր ամենաուժգին Փակտօրը պատմական զարգացման, մարդաբանը՝ ոստան, տնտեսագէտը՝ տնտեսական յարաբերութիւնները, աստուածաբանը՝ աստուածաբանութիւնը, ևլն:

Այս երևոյթը, ինչպէս էլի նկատել եմ, խիստ հոգեբանական է, և միևնոյն ժամանակ շատ հասկանալի: Ամեն մի մասնագէտի անհամեմատ զօրաւոր, հիմնաւոր և զերազատելի է երեւում այն տարրը, որով նա մասնագիտօրէն զբաղւում է: Նա շատ անգամ էլ տեսնում է այդ տարրը այն տեղ, ուր այդ յիշուելի գոյութիւն չունի, կամ, եթէ գոյութիւն էլ ունի, ոչ այն չափով և արժէքով, ինչպիսին նրան վերագրւում է: Մա յամենայն դէպս մարդ-անհատի մտքի և հոգու յատուկ թոյլ, միաժամանակ և ուժեղ կողմն է: Ուժեղ այն տեսակէտից, որ մասնագէտը իր տարրի սահմանում շատ աւելի մեծ նշանակութիւն և կշիռ է ստանում և, ինչ խօսք, իր տարրը մասնագիտօրէն և խորն կերպով ուսումնասիրում է և զարգացնում:

Եւ յիրաւի: Այսպիսի մասնագիտական աշխատանք արդէն կատարւել է: Վերև առաջ բերած պատմափիլիսօփայական թէօրիաներից իւրաքանչիւրը լաւ ուսումնասիրել է իր տարրը, հաւաքել փաստեր, մշակել և սխտեմի տակ գրել: Այդ թէօրիաներից ամեն մէկը ունի ճշմարտութեան իր բաժինը, բայց նա միակողմանի է, ի հարկէ, ոչ սխալ, և չի ընդգրկում բովանդակ ճշմարտութիւնը, ինչպէս և չի տալիս ամբողջ պատմական պրօցեսի լուսարանութիւնը:

Բայց կայ մի այլ պատմափիլիսօփայական ուղղութիւն, որը վիհօրէն բարձր է կանգնած և հեռու է միակողմանիութիւնից, սա գիտում է պատմական պրօցեսը իր ամբողջական ընթացքի մէջ, և ոչ թէ միակողմանիօրէն այդ ամբողջական պրօցեսի այս կամ այն բաղկացուցիչ տարրը, մի բան, որը կազմում էր բոլոր միւս պատմափիլիսօփայութիւնների շեշտած յատկութիւնը: Այդ ուղղութիւնն է բէալիստական պատմափիլիսօփայութիւնը: Եւ մենք քննադատում էինք միւս պատմափիլիսօփայական ուղղութիւնները, նրանց հիմնամտքերը, ելնելով բէալիստական պատմափիլիսօփայութեան տեսակէտից: Այդ, անտարակոյս, նկատած կը լինի գիտակ ընթերցողը:

Բէալիստական պատմափիլիսօփայութեան ելակէտը և մեկնակէտը չի կազմում այս կամ այն ֆակտօրը, աւելի ճիշտ, տարրը, այլ բոլոր տարրերը իրենց ընդհանուր կապակցութեան, ընդհանուր զարգացման մէջ: Նա չի զատում այս կամ այն տարրը— մի բունագրութիւն և հիւանդագին ապերացիա— և տալիս նրան առաջնական նշանակութիւն: Պատմական բէալիզմը, ընդհակառակն, մօտենում է պատմութեան լուսարանութեանը և մեկնութեանը ոչ կանխակալ և նախորոշած միտումներով: Նա իր հայեացքը ուղղած է պատմական պրօցեսին իր ամբողջութեան մէջ, ի նշկատի ունենալով նրա բոլոր բաղկացուցիչ տարրերը: Բէալիստական պատմահայեցողութիւնը շեշտում և ճանաչում է այդ բաղմապիսի տարրերի իրար պատկանելիութիւնը և փոխազդեցութիւնը: Այն մի շարք ֆակտօրների միջև, որոնց ես առիթ ունեցայ յիշատակելու, այն է, իդէա, տնտեսութիւն, աշխարհագրական դիրք և ինտելեկտ, մասսաներ և անհատներ, կօլլեկտիւ և անհատական կամեցողութիւններ, մօրալ և գեղարեւեստ, կրօն և փիլիսօփայութիւն, բասսա և կլիմայական գրութիւն— այս բոլոր տարրերը գտնւում են յաւիտենական փոխազդեցումի առնչութեան մէջ: Նրանք փոխադարձաբար իրար որակում և պայմանաւորում են: Այդ տարրերը միշտ էլ երևան են գալիս միասին պատմական զարգացման մէջ և միասին որակում այն և առաջ— մղիչներ հանդիսանում: Այս տարրերը առհասարակ այնպէս զուգաւորւած և շաղկապւած են պատմական զարգացման մէջ, որ ուղղակի անհնարին է դատել նրանց և իւրաքանչիւրի դերը զատ— զատ գնահատել: այստեղ խիստ ակնյայտ է տարրերի իրար պատկանելիութեան սկզբունքը:

Վերցնենք, օրինակի համար, ապրանքային արտադրութիւնը:

«Սօսելով ապրանքային արտադրութեան մասին,—ասում է Չերնով իր «Фил. и соц. этюд.» աշխատութեան մէջ— իր քաղաքատնտեսութեան օրիեկտի, մենք գործ չունենք երբէք տնտեսական սուբատանցի մաքուր բիւրեղի հետ, որը չը պարունակէր իր մէջ ուրիշ խառնուրդ, ոչ մի գրան իրաւական կամ հոգեբանական տարր: «Ապրանքային արտադրութիւնը» հասկացում է բուրժուական սեփականութիւն և նրա հետ կապւած իրաւական հաստատութիւնների գոյութիւնը— ժառանգականութիւն, գնում-վաճառում, ևլն: Ապրանքային արտադրութիւնը կատարւում է իրաւական որոշումների շրջանակում և առանց նրանց անկարելի

է: Բացի դրանից, ապրանքային արտադրութիւնը հասկացնում է նաև սօցիալական հոգեբանական երևոյթները մի ամբողջ շարք, և այդ իրաւական օրէնքները և սօցիալ—հոգեբանական երևոյթները չեն ներկայանում իբր արդիւնք ապրանքային արտադրութեան, այլ մի և անբաժան ամբողջութիւն նրա հետ: Նրանք մէկը միւսով փոխադարձաբար հասկացւում և պայմանաւորւում են: Այսպիսով, ոչ ապրանքային արտադրութիւնն ինքնուրոյն և անկախ գոյութիւն ունի an und für sich, ոչ մասնաւոր սեփականութիւնը՝ սրա սովորական ազդան ազդուող բնութեան, ոչ էլ մասնորոշութեան անհատականութիւնը, այլ գոյութիւն ունի որոշ սօցիալական դրութիւն, որի մէջ անբաժան ձուլւած են և՛ սա, և՛ միւսը, և՛ երրորդը» (ընդգծումը իմն է: Ե. Ֆ.):

Բայց այդ այսպէս լինելով, մենք չենք բացասում անտարակոյս այն փաստը, որ կարող է այս կամ այն պատմական երևելոյթի մէջ, այս կամ այն պատմական էպօխայում, այս կամ այն տարրը համեմատաբար աւելի գերակշռող լինել, աւելի մղիչ դեր խաղալ և աւելի աչքի զարնել, քան միւս տարրերը: Բայց երբէք միայնակ, բացարձակ գերիշխողը, բացառապէս գոյն տւողը, իսկ միւսներն այնպէս պատմական անխել ետեւից ընթացող ոչընչութիւններ, սուերներ: Երբէք: Փաստն այն է, որ ոչ թէ այս տարրերից այս կամ այն է որակում պատմական էվօլուցիան, այլ բոլոր տարրերի գումար, միութիւնը:

Ուրեմն այս պատմահայեցողութեան համար գոյութիւն չունեն—և չեն կարող գոյութիւն ունենալ—տնտեսական, իրաւական, իդէօլօգիական երևոյթներ զատ—զատ, ամեն մէկը իր համար, այլ գոյութիւն ունեն սօցիալական—քաղաքական պրօցեսներ, որոնց մէջ զուգորդւում են այն տարրերը: Հետևապէս բէալ—փիլիսօփայութիւնը պատմական յեղաշրջումների աղբիւրները որոնում է—ոչ թէ սօցիալական զարգացման մի կողմի մէջ, այլ երկու կողմերի փոխազդեցութեան: Փոխազդեցութիւն իդէալի և տնտեսութիւն միջև, միջավայրի և անհատի, կօլլեկտիւ և անհատական կամեցողութիւնների, բնագիտական—մեխանիքական պատճառականութեան և սօցիալ—պատմական պատճառականութեան միջև, ևլն, ևլն: Այս տեսակէտն է ահա կամաց—կամաց տիրապետողը զառնում, և աւելի ու աւելի մշակում և հիմնաւորում: Ռուս սօցիօլօգիական դպրոցը, Չերնիշևսկու,

Գերցենի, Լաւրովի և Միխայիլովսկու դպրոցը վեհերէն ազատ մնաց երևան հանւած միակողմանիութիւններից և մշակեցին մի բէալիստական, բովանդական պատմական պրօցեսն ընդգրկող պատմափիլիսօփայութիւն: Բէալիստական պատմահայեցողութեան տեսակէտի վրայ է կանգած նաև յայտնի պատմաբան և պատմափիլիսօփա Լիդները, «Weltgeschichte» խոշոր աշխատութեան հեղինակը, բայց և իր հայեցողութիւնը բնորոշում է իբր «պատմական պսիսօփիլօգիզմ» (Geschichtsphilosophie S. 241): Տարրերի փոխազդեցութիւնն է շեշտում նաև ականաւոր սօցիօլօգ—փիլիսօփա Զիմմէլը: Դէպի բէալիստական պատմահայեցողութիւնը դիմելու շեշտւած տեղեկնց են ցոյց տալիս և մի շարք պատմական մատերիալիստներ: Յաղթանակը և ճշմարտութիւնը պատմական բէալիզմի կողմն է:

XI.

Տարրերի կլասիֆիկացիան.—էկոնոմիկա և իդէօլոգիա.—հոգեկանի և ֆիզիքականի հասկացողութիւնը.—Պսիխօֆիզիցիզմ.—անտեսա—իդէօլոգիական պարալիլիզմ.—կառուալ թէ՛ ֆունկցիօնէլ յարարերութիւն.—պատճառականութեան սկզբունքի անբաւարարութիւնը:

Պատմական զարգացմանը մասնակցող այդ բազմապիսի դործօնները, աւելի ճիշտ, տարբերը, կարելի է ըստ իրենց բովանդակութեան բաժանել երկու որոշակի խմբակցութեան—տնտեսական և իդէօլոգիական: Դա, այսպէս ասած, տարրերի կլասիֆիկացիան է, դասաւորումն: Առաջին խմբակցութեան տակ հաշուում ենք այն բոլորը, ինչ պատկանում է միջավայրին—բնութեան՝ բնական պայմաններ և երևոյթներ, հողի յատկութիւնը և ձևը, կլիմա, տնտեսութիւն, աշխարհագրական դիրք, իսկ երկրորդ խմբակցութեան տակ հասկանում ենք այն, ինչ մարդն է կրում—գիտակցութեան ձևեր՝ իդէա, մօրալ, գիտութիւն, փիլիսօփայութիւն, իրաւունք, հոգեբանութիւն, կրօն, քաղաքական կազմ, քաղաքականութիւն: Ուրեմն մարդն և միջավայրն են սկզբնապատճառները: Մարդը և միջավայրը յաւէտ դանում են փոխյարաբերութեան և փոխազդեցութեան մէջ, իրար փոխադարձաբար որակում և պայմանաւորում: Մարդը և միջավայրը ու նրանց միջև եղած այդ փոխյարաբերութիւններն են կազմում փաստապէս պատմական երևոյթների ամբողջական բովանդակութիւնը: Նրանցից դուրս տեղի չի ունենում—և չի կարող տեղի ունենալ պատմական պրօցես: Մարդը կազմում է պատմութեան սուբիեկտիւ, իսկ միջավայրը օբիեկտիւ կողմը: Բայց սրանք բաժան, գաւ-գաւ մեծութիւններ չեն ներկայացնում: Ընդհակառակն, սրանք, մար-

դը և միջավայրը, իդէօլոգիականը և տնտեսականը կազմում են մի մեծութիւն, մի մեծութիւն ճիշտ այն հասկացողութեամբ, ինչպէս ըմբռնում են Մախ—Աւենարիուս ֆիզիքականը և հոգեկանը—պսիխօֆիզիցիզմը:

Ինչպէս են ձևակերպում նրանք այդ ըմբռնումը: Նրանք ընդունում են ֆիզիքականը և հոգեկանը ինդիվիդի, օրգանիզմի մէջ անքակտելի կապած—նրանք մի մեծութիւն են: Եւ յիրաւի, անկարելի է փաստապէս բաժանել մարդու հոգեկանը՝ ֆիզիքականից. այդ անբաժանելին է: Մարդը ներկայանում է իրականապէս կրողը ֆիզիքականի—տեսանելի, ըմբռնելի իրերի, և հոգեկանի—պատկերացրած մտածողութիւնների: Մարդը այդ երկու տարրերի մի խառնուրդն է:

Նոյն հասկացողութիւնը և՛ առհասարակ: Ֆիզիքականը և հոգեկանը կազմում են բազմապիսի մասերը միևնոյն պրօցեսի: Այստեղ ճանաչում է մի միակ մեծութիւն, որի մէջ միացած և համակարգւած են այդ տարրերը:

Այս մեծութիւնը անւանում է Ռիխարդ Աւենարիուսը «Երրորդ»: «Ես ճանաչում եմ ոչ ֆիզիքականը և ոչ հոգեկանը, այլ մի երրորդ», նկատում է Աւենարիուս, մի երրորդ; որը ինքնին ոչ այս է և ոչ այն, այլ երկուսը միասին:

Բայց այդ «Երրորդը» կոչւածը մետաֆիզիկ մտքի արգասիք չէ, այլ մի բէալ, մեղ ծանօթ մեծութիւն: Այդ մեծութիւնը կրողն է ֆիզիքականի և հոգեկանի, այն, կրողն, բայց ոչ միացումն: «Միացում» բառը ըստ մեր մտածելակերպի և աշխարհայեցողութեան ոչ միայն թիւի և անյաջող բնորոշիչ է մեր տեսակէտի պսիխօֆիզիցիզմի վերաբերմամբ, այլ մինչև իսկ սխալ: Այդ կը լինէր յիրաւի դուալիզմ, եթէ ոչ դուալիզմ, դէթ աւելի մօտիկ դուալիզմին. քան մօնիզմին: Իսկ մեր աշխարհայեցողութիւնը, մեր մտածողութիւնը մօնիստական է:

Մենք չենք ճանաչում ֆիզիքականի և հոգեկանի «միացումն», ոչ էլ երկու «բաժանելի կողմերի» «միութիւն», որովհետև նրանք, ֆիզիքականը և հոգեկանը, ըստ մեր կօնցեպցիայի, երբէք բաժանուած չեն եղել, որ կարելի է ինչէր նրանց «միացնելու», մի «միութեան» մէջ դնելու: Իսկզբանէ անտի այդ երկուսը եղել են միասին, միատեղ, և կազմել են մի մեծութիւն, անբաժանելի, անքակտելի:

Ահա մօնիզմը, մօնիստական տեսակէտը: Ոչ թէ ֆիզիքա-

կանի և հոգեկանի միացումն է արդիւնք մարդկային մտքի յետագայ անալիզի և հետազոտութեան, այլ ընդհակառակը, նրանք սկզբնորէն միացած են եղել, իսկ բաժանումը խիստ բռնազրօսիկ է և ոչ-գիտական: Եւ այդ բաժանումը հնարաւոր է միայն in abstracto:

Պսիխո-ֆիզիքական պարալլելիզմի ճիշտ նոյն այդ ըմբռնումն ունենք նոյնպէս մարդկային հասարակութեան տնտեսական և մտաւոր կեանքի, իդէօլօգիայի և էկօնօմիկայի միջև եղած յարաբերութեան վերաբերմամբ:

Տնտեսա-իդէօլօգիական պարալլելիզմը, պսիխո-ֆիզիքիզմի վերև շեշտած իմաստով, կերտում ենք սօցիօլօգիայի, հասարակագիտութիւնների մէջ: Ինչպէս որ ֆիզիքականը և հոգեկանը անքակտելի կերպով միացած են անհատի մէջ և ընդհանրապէս, նոյնպէս և միեւնոյն հասկացողութեամբ, շաղկապւած են հասարակական երևոյթներին, պատմական պրօցեսի մէջ տընտեսական և իդէական տարրերը, իդէօլօգիան և տնտեսութիւնը: Եւ այդ երկու գործօններին—իդէօլօգիայի և տնտեսութեան վրայ, որոնք, ինչպէս ասացինք, մի ընդհանուր հիմքում միացած են և մի մեծութիւն են կազմում, բարձրանում երկու ըստ երևոյթի ն իրար տրամագծօրէն ջնջող և հակամարտ փիլիսօփայական պատմանայեցողութիւններ—իդէալիստական և մատերիալիստական: Իդէալիստական և մատերիալիստական պատմանայեցողութիւնները մասնաւորապէս, և իդէալիստական ու մատերիալիստական մտայղացումներն ընդհանրապէս, յիշուելի, արդիւնք են այն թիւր և հիմնօրէն սխալ ըմբռնումի, որը ունեն նրանց հիմնադիրները և ներկայացուցիչները իդէօլօգիայի և տնտեսութեան, գիտակցութեան և իրականութեան (sein), մտքի և օրիակտի, իդէայի և մատերիայի յարաբերութեան մասին:

Նրանք բռնազրօսիկ կերպով գատել, բաժանել են այդ իսկըզբանէ անտի միացած գերագնահատել այս կամ այն, դարձնելով մէկը պատճառ և առաջնական տարրերը, իսկ միւսը հետևանք և երկրորդական, և այսպիսով հիմնաւորել իրենց պատմանայեցողութիւնը, իրենց փիլիսօփայական վարդապետութիւնը: Ուրեմն այդ սկզբնական դրութիւնից, սկզբնական միակ մեծութիւնից և հիմնօրէն քից են ծագել, ճիւղաւորել իդէալիստական և մատերիալիստական աշխարհայեցողութիւնները, ինչպէս և պատմանայեցողութիւնները: Իսկ այդ սկզբնական դրութիւնը, այդ միակ մեծութիւնն է կազմում

մեր ըէալիստական պատմանայեցողութեան հիմնաժայռը, նրան կիւնաքարը:

Հետևապէս ըէալիստական պատմանայեցողութիւնը չի ներկայանում իդէալիստական և մատերիալիստական պատմանայեցողութիւնների յետագայ միացումը, ինչպէս ոմանք արտայայտում են, այլ, ընդհակառակը, դրանք հէնց սկզբից միացած են եղել միամբողջութեան մէջ, նրանց հիմքը մէկ է:

Ահա ինչպէս ենք հասկանում պսիխո-ֆիզիքական, ինչպէս և տնտեսա-իդէօլօգիական պարալլելիզմը: Բայց մենք դեռ ասելիք ունենք պարալլելիզմի մասին, թէև անուղղակի, որով ասելիք վերջնականապէս կը պարզուի մեր գիրքը. մեր ասելիքը վերաբերում է պատճառականութեան և առաջնութեան հարցին:

Տարրերի այս երկու շարքերը—ֆիզիքական և հոգեկան, տընտեսական և իդէօլօգիական, գտնում են փոխարարելութեան, փոխադրեցութեան մէջ:

Այս դրութիւնը մենք արդէն գիտենք:

Բայց այս չէ մեզ այժմ զրաղեցնողը: «Յարաբերութիւն» և «տնչութիւն» այդ տարրերի միջև ընդունում են բոլոր ժամանակակից մտածողները և դարոցները:

Բայց ինչպիսի «յարաբերութեան», ինչպիսի «տնչութեան» մէջ են գտնում այդ շարքերը:

Ահա այս հարցի շուրջն է, որ բաժանում են կարծիքները:

Այդ երկու շարքերի մէջ տեղի է ունենում կաւալիտեաթի, պատճառականութեան միակտ, թէ մի այլ տեսակի յարաբերութիւն:

Առաջին դէպքը, պատճառականութիւնը անընդունելի է: Պատճառականութեան սկզբունքը բացատումն է մինչայժմ զարգացրած և անցկացրած հիմնական տեսակէաթի և մտածողութեան: Պատճառականութիւնն ենթադրում և շեշտում է պատճառի եւ հետևանքի ապտը: Նա չի ճանաչում և ընդունում ֆիզիքականի և հոգեկանի, տնտեսութեան և իդէօլօգիայի հաւասարաբէքութիւնը: Պատճառականութեան սկզբունքը դնում է այդ երկու շարքերից մէկը պատճառի, միւսը հետևանքի գրութեան մէջ, նա դիտում է մէկը առաջնական, միւսը երկրորդական: Իսկ այս դրութիւնը մենք արդէն մերժել, բացառել ենք:


Ո՛չ, այդ չէ մեր ընդունածը, մեր ճանաչած գրութիւնը:

Այսպէս, ուրեմն, մենք պատճառականութեան տեղ ընդունում ենք Փունկցիօնալիտետը, Փունկցիայի հասկացողութիւնը: Իսկ Փունկցիօնէլ կախումի սկզբունքը հիմնօրէն ջնջում, մի կողմէ գնում այսպէս կոչւած առաջնութեան պրօբլէմը, մի պրօբլէմ, որ միշտ էլ ծառայել, ցցել է ամեն մի փիլիսօփայական շղօլայի, ամեն մի մտայղացումի և աշխարհայեցողութեան առաջ:

Փունկցիայի թէօրիան, ինչպէս նկատեցինք, ճանաչում է միայն տարրերի, պատմական պրօցեսիտարրերի, մէջ, Փունկցիօնէլ կախումներ և յարաբերութիւններ: Իսկ այդ կախումների և յարաբերութիւնների մէջ տարրերից մէկը չի ներկայում իբր պատճառ, միւսը հետևանք, մէկը առաջնական, միւսը երկրորդական, մէկը՝ ազատիւ, միւսը՝ պասսիւ:

Նրանք համարժէք են և գտնւում են համահաւասար յարաբերութեան մէջ:

Այսպիսով, կարծում ենք, լիուրի ամբողջանում և յստակօրէն պարզում է մեր պատմափիլիսօփայական աշխարհայեցողութիւնը, բէալիստական պատմափիլիսօփայութիւնը:



Հայաստանի Ազգային գրադարան



NL0425894

18832

